

世宗莊憲大王實錄

第十七之九

0163664  
na.6



163664

5.12.15

國立臺灣大學圖書館典藏  
由國家圖書館數位化



世宗莊憲大王實錄卷第十七

八月乙酉朔 上以恭妃疾篤命孝寧大君補攝行 殯殿朔祭○遣  
內瞻主簿金仲渚解送逃來男婦十九名于遼東○司諫院上疏曰今  
歲水旱爲災民失農業 殿下軫慮分遣朝官發倉賑恤德至渥也然  
當早秋民尚艱食來春之歉誠爲可慮宜輕徭薄賦以厚其生謹以管  
見條列于後一諸司所納貢物下令戶曹量其國用緊緩考其留庫多  
寡其不緊而贏餘者限年蠲除一年例材木所伐輸納之際民甚苦之  
今國家營繕旣脩而水邊州郡失農尤甚限年蠲除東西窰所納各官  
燒木亦令量宜減數一各處蚕室專以導民雖不可廢當此歲歉糜費  
亦多乞擇農事稍實一處使之留種餘皆限年停罷一諸道鍊鐵一年  
兩度賣粮往返民多苦之宜計國用緩急減數一各戶楮貨之貢本以  
楮貨興用而設也遠道抽歛之際倍價而納其弊不小且非美法宜令  
永除一凶歉之歲使命交馳不無煩擾今年損實委諸監司敬差官勿  
令別遣一中外公私營繕雖出於不得已糜費爲甚限年禁斷 上皆  
從之唯遣敬差官一節令群臣擬議以聞群臣皆請勿遣 從之○傳  
旨于戶曹曰今年穀貴米價騰湧其以倉庫陳米五千石許民和糶

實錄卷第十七



○丙戌大風拔木忠清道水軍溺死者十二人命賑恤其家○全羅道敬差官李叔時還落道內豐熟無飢饉者間有飢者隨即賑恤○丁亥置賑濟所於城中興福寺聚飢饉者賑之○興原君李敷卒○慶寧翁主王氏設奠于 嬪殿○戊子行社稷祭前此大祀獻官諸執事誓戒後散齋四日治事如故今獻官諸執事權免衰服以吉服誓戒不可復著衰服故皆令以吉服齋戒○禮曹啓 太宗安陵後朝夕上食及虞主入廣孝殿後朝夕上食朔望奠并設於 王后神位 從之○己丑恭妃病未愈遣同知敦寧府事安壽山行藥師精勤于興天寺遣右議政鄭擢醮于昭格殿○忠清道敬差官李牧還啓本道四十九邑飢民五千九百七十名○進肉膳于 恭妃○庚寅前此政府六曹以 中宮未寧每日問安是日 上謂知申事金益精曰政府六曹每日問安恐勞諸相卿傳予意毋令每日問安○辛卯以 恭妃疾篤禱于佛宇神祠○前判定州牧事宋愚卒○壬辰太白晝見○遣平壤君趙大臨于津寬寺贊成事益思誠于僧伽寺設齋禱佛○禮曹請上 聖德神功太上王廟號曰 太宗 從之○議政府舍人司荅大內殿多多良書曰承書從審體履康吉深以爲喜然自古人臣義無私交所惠物件義難容



受只緣足下恭事我朝誠意彌篤茲用謹稟堂上啓聞收訖仍將土宜就付回价惟照領○癸巳 恭妃疾稍瘳醫負醫女賜物有差○甲午視事○乙未置六典修撰色以星山府院君李稷左議政李原爲都提調贊成事孟思誠叅贊許稠爲提調○丙申視事○以廣孝殿入直宦者韓禮金奉飯監趙佛丁刈殿墻內新杖六十奪其職佛丁還定本役○丁酉告計使李潑回自北京潑等至北京 皇帝方北征禮部以凶計不可聞於行在只受表文使潑等還國由是 大行大上王行狀不呈於禮部而還○義禁府論全羅道水軍處置使管下鎮撫姜得海右道都萬戶趙琛臨淄萬戶承安道黔毛浦萬戶鄭德成不及捕倭之罪請依律處斬命安道杖一百琛德成得海贖杖一百皆屬本島水軍○議政府率百官設奠于 殯殿○遣前判事朴坤于忠清道劾問水軍溺死之由○議政府遣舍人鄭旅啓曰京畿海道察訪尹得民忠清道海道察訪申得海亦於本月初二日遭風敗船軍人溺死不可不鞫請令坤並鞫之知申事金益精等啓曰臣等以爲得海等卒遇大風以致敗船恐非其罪 上曰大臣之言然矣然今年旣有大故而災異屢見時運不亨方初遣之時不期事之必成今遭大風得免其身深以爲喜不必



問也汝等之言允合予心其令兵曹待其道觀察使節制使伴人之來  
移文問之○戊戌禮曹啓殯奠儀祖奠儀遣奠儀祠后土儀其啓殯

奠儀曰前三日告 社稷 宗廟前一日忠扈衛設 殿下幄次於

殯殿前近東設 王世子次於其後近南皆隨地之宜其日通禮門設

殿下版位於殿庭道東近北北向設 王世子位於 殿下版位之

後近南北向工曹判書位又於其後北向執事者一人執拂拭 梓宮

之巾陪其後設宗室以下文武羣官位於外庭隨地之宜文東武西中

心為頭異位重行俱北向 宗室於道西在前行 執事者奠祝版於 靈座之左設

香爐香合并燭於 靈座前設尊所於戶外之左北向設洗於東階東

南北向 盥洗在東盥洗在西 諸執事洗又於東南北向時至執事者盥手洗盞拭

盞升自東階置于尊所奉饌升奠于 靈座前知通禮引 王世子就

次判通禮導 殿下詣幄次即座奉禮郎引工曹判書入就位通禮門

分引宗室以下文武群官入就位立定知通禮引 王世子入就位禮

曹判書進當幄前跪啓請行禮啓訖俛伏與判通禮導 殿下出幄詣

版位北向立判通禮啓請再拜哭 殿下再拜哭盡哀典儀曰再拜哭

王世子以下在位者皆再拜哭盡哀判通禮導 殿下詣盥洗位盥



悅訖導 殿下升自東階詣 靈座前北向立啓請跪三上香進香進

食爐皆近侍為之 近侍進茶酒 殿下酌茶三奠酒奠酒亦近侍為之 判通禮啓請俛

伏興小退跪大祝進 靈座之左西向跪讀祝文訖判通禮啓請俛伏

興再拜哭導 殿下降復位判通禮啓請再拜哭 殿下再拜哭盡哀

典儀曰再拜哭 王世子以下在位者皆再拜哭盡哀禮曹判書跪啓

禮畢啓訖俛伏興執事者徹饌判通禮導 殿下權就幄次知通禮引

王世子權就次通禮門分引宗室以下文武群官以次出奉禮郎引

工曹判書升自東階執中者從升 就 橫宮南北向跪啓曰謹以吉辰啓

橫塗啓訖掌事者升撤 橫塗撤訖工曹判書以巾拂拭梓宮覆以棺

衣於幕內執事者周回設帷及施常食之奠如常儀朝夕水刺 訖通禮門分

引宗室以下文武群官入就位工曹判書降就本班 立定知通禮引 王世子入

就位判通禮導 殿下出幄詣版位北向立判通禮啓請再拜哭 殿

下再拜哭盡哀典儀曰再拜哭 王世子以下在位者皆再拜哭盡哀

判通禮導 殿下還幄次知通禮引 王世子還就次通禮門引群官

移班近東班首進名奉慰訖通禮門分引宗室以下文武群官以次出

祖奠儀曰前期忠扈衛設 殿下幄次於 殯殿前近東設 王世子



次於其後近南皆隨地之宜通禮門設 殿下版位於殿庭道東近北  
北向設 王世子位於 殿下版位之後近南北向設宗室以下文武

群官位於外庭隨地之宜文武西中心為頭異位重行俱北向宗室於道

西在前行執事者奠祝版於 靈座之左設香爐香合并燭於靈座前設尊

所於戶外之左北向設洗於東階東南北向盥洗在東爵洗在西諸執事洗又於

東南北向時至執事者盥手洗盞拭盞升自東階置於尊所奉饌升奠

於 靈座前知通禮引 王世子就次判通禮導 殿下詣幄次即座

通禮門分引宗室以下文武群官入就位立定知通禮引 王世子入

就位禮曹判書進當幄前跪啟請行禮啟訖俛伏興判通禮導 殿下出

幄詣版位北向立判通禮啟請再拜哭 殿下再拜哭盡哀典儀曰再

拜哭 王世子以下在位者皆再拜哭盡哀判通禮導 殿下詣盥洗

位盥帨訖導 殿下升自東階詣 靈座前北向立啟請跪三上香進

進爐奠香奠爐皆近侍為之近侍進茶酒 殿下酌茶三奠酒奠酒皆近侍為之判通禮啟

請俛伏興小退跪大祝進 靈座之左西向跪讀祝文訖判通禮啟請

俛伏興再拜哭導 殿下降復位判通禮啟請再拜哭 殿下再拜哭

盡哀典儀曰再拜哭 王世子以下在位者皆再拜哭盡哀禮曹判書



跪啓禮畢啓訖俛伏興執事者撤饌判通禮導 殿下還幄次知通禮

引 王世子還就次通禮門分引宗室以下文武群官以次出遣奠儀

曰前一日忠扈衛設 殿下幄次於 殯殿前近東設 王世子次於

其後近南皆隨地之宜其日通禮門設 殿下版位於殿庭道東近北

北向設 王世子位於 殿下版位之後近南北向設宗室以下文武

群官位於外庭隨地之宜文東武西中心為頭異位重行俱北向宗室

西在有司進輜於中門外當中南向進魂帛車及柳車於外門外當中

南向儀仗明器序列於其前吉儀仗序列於魂帛車前執事者奠祝版

於 靈座之左設香爐香合并燭於 靈座前設尊於戶外之左北向

設洗於東階東南北向諸執事洗又於東南北向時至執事者盥手洗

盞拭盞升自東階置于尊所奉饌升奠于 靈座前知通禮引 王世

子就次判通禮導 殿下詣幄次即座通禮門分引宗室以下文武群

官入就位立定知通禮引 王世子入就位禮曹判書進當 幄前跪

啓請行禮啓訖俛伏興判通禮導 殿下出幄詣版位北向立判通禮

啓請再拜哭 殿下再拜哭盡哀與儀曰再拜哭 王世子以下在位

者皆再拜哭盡哀判通禮導 殿下詣盥洗位盥悅訖導 殿下升自



東階詣靈座前北向立啓請跪三上香進者進爐奠香奠近侍進茶酒

殿下酌茶三奠酒奠酒亦近侍為之判通禮啓請俛伏與小退跪大祝進

靈座之左西向跪讀祝文訖判通禮啓請俛伏與再拜哭導殿下小

退於位執事者設哀冊褥位於奠東職掌先奉冊案置於褥位西向奉

冊官奉冊升詣冊案前跪奠於案上俛伏與小退判通禮啓請跪殿

下跪典儀曰跪王世子以下在位者皆跪奉冊官詣冊案前跪舉冊

讀冊官跪讀冊訖俛伏與退奉冊官以冊授校書館員以授尚瑞司員

判通禮啓請俛伏與再拜哭殿下俛伏與再拜哭盡哀典儀曰俛伏

與再拜哭王世子以下在位者皆俛伏與再拜哭盡哀執事者撤饌

判通禮導殿下權歸幄次知通禮引王世子權就次通禮門分引

宗室以下文武群官以次出昇梓宮官武班四品進輜於殿階間大祝以輿

奉魂帛函安於車上虞主匱置其後執事者奉謚冊謚寶哀冊及平時

冊寶置於輿攝判通禮進靈座前跪啓請升輜俛伏與戶曹判書帥

昇梓宮官及小臣奉梓宮降階升輜攝判通禮前導梓宮奉妻者內官以

妻障梓宮挽士奉輜至外門外攝判通禮進輜前跪啓請升柳車俛伏

與戶曹判書帥昇梓宮官及小臣奉梓宮升柳車攝判通禮進靈駕



前跪啟請 靈駕進發俛伏與退儀衛以次前引 殿下帥王世子及

宗室以下文武群官以次哭從如儀留都群官徑至城外奉辭如儀祠

后土儀曰祭前三日應行事執事官並散齋二日致齋一日祭日丑時

書雲觀於所得地掘兆四隅外其壤掘中南其壤各立一標當南門立

兩標執事者設后土氏神位於中標之左南向席以莞設獻官位於神

位東南西向執事者位於其後西向北上謁者贊者位於獻官西南西

向北上奠祝版於神位之右設香爐香合并燭於神位前設祭器實饌

具籩八在左爲三行右上豆八在右爲三行左上簠簋各二在籩豆間

簠在左簋在右爵在籩簋前設尊於神位東南北向又於其東南設盥

洗二北向獻官洗在東 執事洗在西行事執事官各具公服時至謁者贊者先就拜

位北向四拜訖就位謁者引祝及執事者八就拜位北向立定贊者曰

四拜祝以下皆四拜詣盥洗位盥帨訖各就位謁者引獻官入就位立

定贊者曰四拜獻官四拜謁者引獻官詣盥洗位北向立贊搯笏盥手

帨手盥手 贊手贊執笏引詣尊所西向立執尊者舉罍酌酒執事者以爵

受酒謁者引獻官詣神位前北向立贊跪搯笏贊三上香執事者以爵

授獻官獻官執爵獻爵以爵授執事者奠于神位前贊執笏俛伏與小



退北向跪祝就神位之右東向跪讀祝文訖謁者贊俛伏與退復位贊者曰四拜獻官四拜謁者引出謁者引祝以下就拜位立定贊者曰四

拜祝以下四拜謁者引出謁者贊者就拜位四拜而出執事者撤饌獻

官正三品祝史一謁者一贊者一齋郎並參一外○已亥 上率百官行

殯殿望祭○大司憲成掄等上疏曰臣等竊謂守禦邊鄙國之大事當

其任者雖在平時嚴號令備器械若有警急則當乘機勦捕全羅道都

安撫處置使趙菑身為主將當倭賊劫掠商船之日退縮畏懦避實追

虛終無敢死赴敵之意此而不懲恐邊將逗遛不進之幾自此始矣伏

望 殿下將趙菑依律施行承安道趙琛鄭德成不能應機進討之罪

亦不可以少貸也 殿下特從寬典只令杖一百充軍恐虧大體宜令

依律科罪明示大法以戒後來不允○京畿觀察使啓今年大水禾穀

不實將來可慮允徵償及不緊雜訟一皆停之從之仍命并移他道○

庚子全羅道都安撫處置使趙菑遣鎮撫金得明朴賢祐捕倭船一隻

於黑山海洋斬首十二級餘皆溺死奪被虜男婦九名遣賢祐來獻捷

賜賢祐衣仍命兵曹第其軍功以聞○恩津縣女李德水軍文成已之

妻也已亥夏成已死於倭賊德聞之即往松江覓屍累日不得而還以



成已衣服置堂內朝夕供奉朔望設奠哀痛甚至其父以年少無子欲

奪其志德涕泣不食事成已父母盡其誠敬鄉人稱之○禮曹啓立主

奠儀曰俟閉 玄宮將畢通禮門設 殿下版位於吉帷信之南北向

設王世子位於 殿下版位之後近南北向宗室以下文武群官位又

於其南文東武西中心為頭異位重行俱北向宗室於道西在前執事者設卓

三於 靈座東南西向題主卓在北文筆具筆硯墨盥盤盥匱具香拭

巾用白細設盥洗於東南北向次奠祝版於 靈座之左設香爐香合

并燭於 靈座前設尊於吉帷宮東南北向設洗於東南北向諸執事

洗又於其東南北向時至通禮門分引宗室以下文武群官入就位知

通禮引 王世子入就位立定判通禮導 殿下出幄詣卓前北向立

大祝盥手開匱奉出桑主置於卓上以香湯浴主拭以巾卧置卓上

題主官盥手詣卓前西向立題前云太宗聖德神功文武光孝大王

墨書訖乃退大祝奉安 靈座覆以白紵巾魂帛函置其後判通禮導

殿下還幄次執事者盥水洗盥拭盥置于尊所奉饌升奠于 靈座前

禮曹判書進當幄前跪啓請行禮啓訖俛伏與判通禮導 殿下出幄

詣盥洗位盥帨訖導 殿下詣靈座前北向立啓請跪三上香進香進

詣盥洗位盥帨訖導 殿下詣靈座前北向立啓請跪三上香進香進



奠壇皆近侍為之  
近侍進茶酒  
殿下酌茶三奠酒奠酒亦近侍為之  
判通禮啓請俛

伏興小退跪大祝進  
靈座之左西向跪讀祝文訖判通禮啓請俛伏

興再拜哭  
殿下俛伏興再拜哭盡哀典儀曰再拜哭  
王世子以下

在位者皆再拜哭盡哀大祝奉  
虞主納于匱中禮曹判書跪啓禮畢

判通禮導  
殿下還幄次知通禮引  
王世子出就次通禮門分引宗室

以下文武群官以次出執事者撤禮饌祝版瘞於坎○辛丑三功臣嫡

長設奠于  
殯殿○壬寅兵曹設奠于  
殯殿判書趙末生等啓曰臣

等侍從大行號為近臣恩渥至重乞各自備辦設奠  
上憐而從之○

京畿敬差官權循黃海道敬差官具智生還啓京畿四十一邑飢民一

萬八百六十名黃海道二十四邑飢民三千五百七十五名○癸卯視

事○慶尚道善山民金都致妻一產三男賜米豆○慶尚道水軍都安

撫處置使啓烽燧之處無堡壁可據因此或為賊所掠法令雖嚴人皆

疑畏不肯用心瞭望請高築烟臺上設弓家置火砲兵器晝夜常在其

上看望賊變從之命諸道皆築烟臺○議  
太上王上謚事許稠以為

賤不誅貴皇帝謚請於南郊后謚告于太廟今  
太上王謚雖不請於南郊宜告  
宗廟下季良以為后謚不請於天子故告于  
宗廟今



太上王之謚已請於 天子我國但加上耳不告爲便李原曰告與不告皆無害於義依本國故事不告爲可 上卒從告廟之義○遣平壤君趙大臨設百齋于津寬寺○前此商船屢爲倭賊所掠國家患之令工曹點其船上兵器且滿六七隻後方許下海給其行狀又令沿邊守禦官檢察工曹佐郎尹煥不考船隻之數給行狀憲府劾請其罪上曰煥無乃告堂上乎同副代言郭存中間之煥曰我告叅議李揚而給之然知非不止我亦豈得辭其責存中以啓 上曰此乃薄人也其贖杖七十存中又啓奪告身與否 上曰何以更啓爲注書尹炯之兄歟罪雖大於此者若非不忠不孝則皆不奪告身何必奪告身乎存中慚懼○甲辰遣大護軍梁漸賜衣酒于全羅道水軍都安撫使趙菑仍諭之曰向倭賊掠我商船殺傷甚多卿爲主將不能追捕有司請置於法予不從之以待成功之日今卿斬賊首十餘級予甚嘉之卿其知悉○山陵開壙有水湧於壙東隅馳以聞 上大驚遣知申事金益精往視之乃以雨積潤而然非有根泉也益精還啓 上曰予心稍寧不數日果無水氣○乙巳漢平君趙洵設奠于 殯殿○丙午左議政李原叅贊許稠等啓農桑輯要收穀種法有陳大小二麥又老農云嘗種陳



三年麥結實與新麥種無異民未必曉此今年二麥種之令各官廩有

陳麥者悉給為種且江原京畿黃海道兩麥尤不實所儲亦少不可不

慮以忠清全羅慶尚道麥種移轉分給庶合古人移粟之意命戶曹移

文諸道○禮曹啓發引班次及遷奠儀其發引班次曰射牌三在後蘇

餘鼓如常次槍牌一次監察二次文武群官次宗室次 王世子僚屬

如常儀次侍臣次行首內侍次備身扶策次承政院次忠義衛別侍衛節

制侍次都鎮撫三麾錚鼓兵曹掌軍節制使及鎮撫分次槍牌次標

旗兵曹鎮撫次左右司禁節制使及內禁衛內侍衛各番節制使軍官

次衣樹差備及內速古赤次備身及笏分次步甲士中立別笏別雲

劍居中分立環刀步甲士左右分立丹槍步甲士左右分立司禁左右

分立司禁自此至別侍衛次素陽扇二居中分立環刀步甲士左右分

立丹槍步甲士左右分立次環刀步甲士左右分立次丹槍步甲士左

右分立次 大駕次環刀步甲士左右分立丹槍步甲士左右分立次

素陽繖中立環刀鎖字步甲士左右分立丹槍光甲步甲士左右分立

內禁衛一二番左右分立次雲劍居中分立內禁衛一二番左右分立

次別闕達中立內禁衛三番分半左右分立次尚瑞司中立忠義衛一



二番左右分立次闕達中立忠義衛三四番左右分立次吹螺赤居中

分立別侍衛左右一二番左右分立次應從 靈駕國葬都監殯殿都

監次司禁左右分立自此至吉仗次仁壽府祿官次行首牽龍次內官

次宮入障以行堆次黼翬二左右分立牽龍次柳車次黻翬二畫翬二牽龍

於柳車左右分立障梓宮次執鐸司馬十六人護軍左右翬外分次銘旌

中立仁壽府祿官奉持次羽葆中立繕工監官次執望燭內官二十人左右分

立列於儀仗內天明而止次執望燭權務四百八十人左右分立列於

儀仗內次炬火五百列於左右吉仗凶仗之外次肩輿中立次哀冊腰

輿中立仁壽府知印次服玩腰輿中立上次明器腰輿五居中左右分

立上次青繡鞍馬十在左紅繡鞍馬十在右次竹鞍馬十左右分立次

竹散馬二左右分立次挽詞四十左右分立例加十五道次方相氏

車四左右分立次火鐵籠四十連望燭左右分立次後殿大旗二左右

分立玄武旗中分近仗次青陽扇二居中左右分立上次魂帛車次香

亭子中分立白燭籠二左右分立權務次紅陽纒中立行首次上馬臺

中分次青燭籠二左右分立權務次魂帛輿中立次紅燭籠二左右分

立權務次謚冊寶腰輿平時冊寶腰輿居中立仁壽府知印次假水



精杖在左金鉞斧在右次龍扇二左右分立近仗奉持次雀扇十左右

分立次紅蓋二居中分立次鳳扇八左右分立次青蓋二居中左右分

立次金鼓各一居中左右分立次假金鉞斧四假銀鉞斧四相間左右

分立次平兜輦中立次旌四左右分立次旄節四左右分立次罕在左

畢在右次青陽繖二居中分立次假金斫子四假銀斫子四相間左右

分立次校椅中立踏掌次金骨朶子六銀骨朶子六相間左右分立次

金鼓各一居中分立次懂四左右分立次灌子孟子中立次金粧刀二

左右分立次交椅中立踏掌次銀粧刀二左右分立次君王千歲旗中

立次金鐙十左右分立次碧鳳旗二居中分立次哥舒奉十左右分立

次鼓字旗在左金字旗在右次駕龜仙人旗二居中分立次令字旗二左

右分立次熊骨朶子六左右分立次金鼓各一居中分立次豹骨朶子

六左右分立次玄鶴旗在左白鶴旗在右次龍馬旗二左右分立次天

下太平旗中立次角瑞旗二左右分立次角旗二左右分立次白澤旗

二左右分立次朱雀旗中立次丁丑旗在左丁亥旗在右次丁酉旗在

左丁卯旗在右次丁未旗在左丁巳旗在右次朱雀旗在右次青龍旗

在左白虎旗在右次金鼓各一居中分立次玄武旗在左黃龍旗在右



次紅門大旗二左右分立紅蓋中立前導次槍牌二次射牌三遷奠儀

曰前一日忠扈衛設 靈帳殿及吉帷宮於玄宮之西南向帳宮在西帳殿之西

設 殿下幄次於吉帷宮之西南東向設 王世子次於其南皆隨地

之宜其日執事者設榻於 靈帳殿近北設 靈座於榻前設謚冊寶

哀冊案於 靈座前稍東通禮門設 殿下版位於靈帳殿之南北向

設 王世子位於 殿下版位之後近南北向宗室以下文武群官位

又於其南文武西中心為頭異位重行俱北向宗室於道執事者奠

祝版於 靈座之左設香爐香合并燭於 靈座前設尊於 靈帳殿

東南北向設洗於 靈帳殿之外東南北向諸執事洗又於東南北向

方相至入壙以戈擊 玄宮四隅明器箆八鬯三觶二彤矢八箠一彤

弓一甲一胄一干一戈一几杖各一蓋一鍾十二磬十二壎一簫一笙

一箎一祝一敵一琴一瑟一竽一羽籥干楮各一瓦竈二瓦釜二瓦甑

一瓦鼎十二匏勺一瓦酒尊二匏勺一瓦盃十籩十二豆十二簋二簋

二尊二食鉢一羹鉢一匙楪一饌楪一炙楪一蔬菜脯醢楪十二酒瓶

一食托一匙筋各一食卓一盥盤一盥匱一香合一香椀一罍盃一潤

瓶一澆器一木鞍馬二木散馬二竹鞍馬十柳車一竹散馬二柳車一



木奴婢各五十木鄉唐樂人二十贈帛玄六贈玉一段冕玉圭青衣

纁裳綬中單蔽膝玉佩大帶赤舄紅襪笄衣手巾鏡一梳函土藤箱子

三假金竿子一假銀竿子二等至陳於玄宮東南北上魂帛車至大

祝奉魂帛函就靈帳殿安於靈座虞主匱置其後執事者奉謚冊

寶及哀冊及平時所封冊寶置於案上柳車至攝判通禮進當柳車

前跪啓請降車陞輜啓訖俛伏與戶曹判書率舁梓宮官及小臣奉梓

宮升輜攝判通禮前導梓宮奉妻者以翼障梓宮挽士奉輜至靈帳

殿前舁梓宮官及小臣奉梓宮安於榻上南首執事者取銘旌去杠置

其上判通禮進輦前跪啓請降輦殿下降輦判通禮導殿下權歸

幄次即座知通禮引王世子就次時至執事者盥手洗盞拭盞置於

尊所奉饌升奠于靈座前通禮門分引宗室以下文武群官入就位

立定知通禮引王世子入就位禮曹判書進當幄前跪啓請行禮啓

訖俛伏與判通禮導殿下出幄詣版位北向立判通禮啓請再拜哭

殿下再拜哭盡哀典儀曰再拜哭王世子以下在位者皆再拜哭盡

哀判通禮導殿下詣盥洗位盥悅訖導殿下詣靈座前北向立

跪三上香

進香進爐奠者奠

近侍進茶酒

殿下酌茶

三奠酒

奠酒亦近侍為之



判通禮啓請俛伏興小退跪大祝進靈座之左西向跪讀祝文訖判

通禮啓請俛伏興再拜哭殿下俛伏興再拜哭盡哀典儀曰再拜哭

王世子以下在位者皆再拜哭盡哀判通禮導殿下還幄次知通禮

引王世子還次通禮門分引宗室以下文武群官以次出前期通禮門

設殿下奉辭位於羨道音衍墓道也之南西向設王世子位於其南西

向宗室以下文武群官位又於其南近東異位重行俱西向北上又設

領議政進冊位於羨道東南西向奉哀冊官位又於其南小退西向書

雲觀報時有司設安拜宮褥位於玄宮門外南向攝判通禮進當靈帳殿前跪啓請升

輜即玄宮啓訖俛伏興小退大祝以腰輿奉魂帛就吉帷宮安於靈

座虞主匱置其後工曹判書以巾進拭梓宮并拂棺衣戶曹判書率

昇梓宮官及小臣奉梓宮升輜攝判通禮前導梓宮奉妻者以

妻障梓宮挽士奉輜將即玄宮判通禮導殿下出幄哭從知通禮

引王世子通禮門引宗室以下文武群官皆哭從奉禮郎引領議政

及奉哀冊官就羨道東南位西向立奉梓宮入自羨道安於玄宮內

榻褥上北首將入玄宮之勝安於門外工曹判書再整棺衣銘旌令平

正領議政以哀冊入跪奠於梓宮之西於玄宮外近侍以贈帛玄六



縹四及贈玉奉進 殿下執帛贈玉授近侍置于 梓宮之旁黼黻  
翼畫翼亦樹於 梓宮之旁群官各就奉辭位判通禮道 殿下詣奉  
辭位啓請再拜哭殿下再拜哭又再拜哭大盡哀典儀曰再拜哭 王  
世子以下在位者皆再拜哭又再拜哭盡哀奉辭訖判通禮道 殿下  
還幄次知通禮引 王世子還次通禮門引群官移班班首進名奉慰  
訖判通禮分引宗室以下文武群官以次出攸司祠后士如儀執事者  
藏明器下誌石繕工監鑲閉玄宮領議政司憲一人並監鑲閉玄宮工  
曹判書覆土九鋪攸司率作工續以終事柳車及輜之屬於栢城內庚  
地焚之其通人臣用者則不焚○丁未視事○刑曹啓倭通事朴奇朴  
用珍等率倭使到驪興喚倭歐人又喚倭直入衙門使婦女驚怖請依  
律斬之命減等施行○山陵軍死者命賻以米豆○忠義衛設奠于  
殯殿○戊申太白晝見二日○命文昭殿廣孝殿供進膳羞內官別監  
殿直同監供進毋或不謹○己酉視事○江原敬差官皇甫仁啓今年  
早穀晚穀並皆不稔嶺西各官今年貢物請並蠲免道內彫殘驛吏全  
仰賑濟以生其草料粥飯文字請皆禁斷飢饉人民雖草食必待鹽醬  
以食不至浮腫鹽乃嶺西所無請將嶺東官鹽量移嶺西疲癯殘疾繆



寡孤獨在豐年寄食他家今年無可糊口不能自存請八月晦日至賑

恤從之○傳旨于禮曹曰病人到汗蒸所始欲出汗離病因而死者往

往有之廣問便否汗蒸果無益則罷之若利於病則擇善醫日往視之

病人至則診其病候可汗者汗之病甚氣弱者其安之○庚戌金星犯

月○文武科重試設奠于 殯殿○辛亥太白晝見○視事○李原卞

季良等獻議曰 梓宮赴山陵時耆老及生徒僧徒不可不奉辭請於

發引日令耆老生徒僧徒序立於百官路祭幄次之側奉辭從之○敦

寧府設奠于 殯殿○壬子原從功臣設奠于 殯殿○禮曹啓上謚

冊寶儀曰前二日忠扈衛設權置冊寶幄次於仁政殿前月臺上設進

冊寶官以下行事執事官幕次於進善門外設權安冊寶幄次於 殯

殿中門外隨地之宜前一日進冊寶等官並衰服詣進善門外幕次通

禮門引禮曹職掌官及儀衛親從官等禮曹職掌稽制司一員儀衛並親從官兵曹乘輿司一員

於仁政殿庭排立以竢謚冊謚寶將出奉冊官奉寶官於內侍處受冊

寶詣月臺上幄次權置於案上奉禮郎引進冊寶官以下詣殿庭北向東

上立定通贊贊再拜進冊寶官以下皆再拜訖如值雨泥權退側身立

竢有司奉迎儀衛進行奉冊官奉寶官奉謚冊謚寶至仁政門安於龍



亭中案以授執事進冊寶官以下應行事執事官隨行出敦化門外上

馬詣 宗廟行告廟禮其儀具本畢奉詣 殯殿中門外幄次權安於

案上職掌進冊寶官以下退歸本司其日宗室以下文武群官以衰服

詣 殯殿外幕次執事設禮饌設香爐香合并燭於 靈座前設尊於

戶外之左設權置冊寶褥位及案於 殯殿下東向次奉冊官奉寶官

以衰服奉謚冊謚寶入進冊寶官以下行事執事官以衰服並從至

殯殿下權置褥位置冊寶於案上冊北進冊寶官以下權退幕次俟有

司排辦畢備通禮門引宗室以下文武群官詣 殯殿東裏外隨地之

宜立班定宗室於道次奉禮即引讀冊官讀寶官詣冊寶案之南北向

立次引奉冊官奉寶官立於讀冊官讀寶官之後次引進冊寶官詣

殯殿下西向立定通贊贊再拜進冊寶官以下皆再拜次引進冊寶官

升殿詣香案前跪三上香執事者以茶酒授進冊寶官進冊寶官酌茶

三奠酒俛伏與再拜引降復位小立再引進冊寶官詣殿階下位北向

俛伏跪啓稱某官臣某言奉教謹奉上謚冊寶啓訖俛伏與退復位

次奉冊官詣冊案前跪舉冊匣與職掌先奉冊案升詣殿上香案前置

於褥位北向次奉冊官奉謚冊行次引進冊寶官升殿詣冊案前北向



跪奉冊官以冊授進冊寶官進冊寶官受冊奠於案俛伏與小退稍東  
西向跪奉冊官俛伏與小退跪次引讀冊官升殿詣冊案前北向立奉  
冊官詣冊案前舉冊跪讀冊官跪讀冊訖俛伏興降復位奉冊官奠冊  
于匣中舉冊匣與職掌先舉冊案於殿上稍東褥位置定奉冊官隨至  
跪置于案上俛伏興降復位初讀冊官讀冊將畢奉寶官詣寶案前跪  
舉寶盞興職掌先奉寶案詣殿上香案前置於褥位北向次引進冊寶  
官降階立於寶盞之後奉寶官奉盞寶行引進冊寶官升殿詣寶案前  
北向跪奉寶官以寶盞授進冊寶官進冊寶官受奠於案上俛伏與小  
退稍西東向跪奉寶官俛伏與小退跪次引讀寶官升殿詣寶案前北  
向立奉寶官詣寶案前跪舉寶讀寶官跪讀訖俛伏興降復位奉寶官  
奠寶于盞中舉寶盞興職掌先奉寶案於殿上稍東褥位置定奉寶官  
隨至跪置于案上俛伏興降復位次引進冊寶官復位西向立定通贊  
贊再拜進冊寶官以下皆再拜如值雨泥濘隨宜殿裏外並廊上立班通禮門以此引出  
冊寶於本殿奉安本殿官負權行收掌至設引日以腰葦奉行進冊寶  
官領議政讀冊官正三品讀寶官從三品奉冊官奉寶官並五品○癸  
丑視事○以啟殯告于宗廟社稷○禮曹啟返虞班次曰射牌三在後



常餘牌並同次槍牌一次監察二次文武群官次宗室次王世子  
簾屬導從如常儀次侍臣次行首內侍次扶策備身次承政院次忠義衛別侍

衛節制使次都鎮撫三麾錚鼓兵曹掌軍節制使及鎮撫分立次槍牌

次表旗兵曹鎮撫次左右司禁節制使及內禁衛內侍衛各番節制使

軍官次衣樹差備及內速古赤次備身及笏分立次步甲士中立別笏

別雲劍居中分立環刀步甲士左右分立丹槍步甲士左右分立司禁

左右分立司禁自此至別侍衛分立處分立如常儀次素陽扇二居中分立環刀步甲士左

右分立丹槍步甲士左右分立次環刀步甲士左右分立丹槍步甲士

左右分立次大駕次環刀步甲士左右分立丹槍步甲士左右分立

次素陽繖中立環刀鏢子步甲士左右分立丹槍光甲步甲士左右分

立內禁衛一二番左右分立次雲劍居中分立內禁衛一二番左右分

立次別闕達中立內禁衛三番分半左右分立次尚瑞司中立忠義衛

一二番左右分立次闕達中立忠義衛三四番左右分立次吹螺赤居

中分立別侍衛左右一二番左右分立次國葬都監殯殿都監次左司

禁左右分立自此至儀仗列立處分立如儀次仁壽府祿官次行首牽

龍次內官次後殿大旗二左右分立玄武旗中立次青陽扇二居中左

龍次內官次後殿大旗二左右分立玄武旗中立次青陽扇二居中左



左分立次返虞車次香亭子中立次白燭籠二左右分立次紅陽繖中  
立次上馬臺中立次返虞輿中立次青燭籠二左右分立次冊寶腰輿  
二居中分立次紅燭籠二左右分立次假水精杖在左金鉞斧在右次  
龍扇二左右分立次侍臣儀仗內左右分立次雀扇十左右分立次紅  
蓋二居中分立次唐樂人左右分立陳而不作次鄉樂人左右分立陳而不作次  
鳳扇八左右分立次青蓋二居中分立次金鼓各一居中分立次假金  
鉞斧四假銀鉞斧四相間左右分立次平堦輦中立次旄節四左右分立  
次旄節四左右分立次罕在左畢在右次青陽繖二居中分立次假金  
斫子四假銀斫子四相間左右分立次校倚中立踏掌具次金骨朶子六  
銀骨朶子六相間分立次金鼓各一居中分立次幢四左右分立次灌  
子孟子中立次金粧刀二左右分立次校倚中立踏掌具次銀粧刀二左  
右分立次君王千歲旗中立次金鑑十左右分立次碧鳳旗二居中分  
立次哥舒奉十左右分立次鼓子旗在左金字旗在右次駕龜仙人旗  
二居中分立次令字旗二左右分立次熊骨朶子六左右分立次金鼓  
各一居中分立次豹骨朶子六左右分立次玄鵠旗在左白鶴旗在右  
次龍馬旗二左右分立次天下大平旗中立次角端旗二左右分立次



三角旗二左右分立次白澤旗二左右分立次朱雀旗中立次丁丑旗  
在左丁亥旗在右次丁酉旗在左丁卯旗在右次丁未旗在左次朱雀  
旗在右次青龍旗在左白虎旗在右次金鼓各一居中立次玄武旗  
在左黃龍旗在右次紅門大旗二左右分立紅蓋中立前導次槍牌二  
次射牌三儀注攸司陳儀仗如儀俟執事者撤立主奠訖攝判通禮進  
當吉帷宮前跪啓請乘輿啓訖俛伏興執事者奉冊寶置於腰輿大祝  
奉虞主匱安於輿上魂帛函置其後小臣奉輿攝判通禮前導至陵門  
外攝判通禮進當輿前跪啓請升車啓訖俛伏興大祝奉虞主安於車  
上魂帛函置其後攝判通禮進當車前跪啓請車駕進發啓訖俛伏興  
退車駕動儀衛以前引判通禮導 殿下升素輦 殿下帥王世子  
及宗室以下文武群官以此侍從如儀 群官去陵門百步許上馬先是執事者設  
靈座于廣孝殿當中近北南向設冊寶案於 靈座前稍東留都文武  
群官出城外俟虞主車將至班立道左虞主車至通贊贊四拜群官四拜  
訖乘馬前導虞主車將至廣孝殿門外導從群官皆下馬虞主車至殿  
門外判通禮進當輦前跪啓請降輦攝判通禮進當虞主車前跪啓請降  
車升輿啓訖俛伏興大祝奉虞主匱安于輿上小臣奉輿攝判通禮



前導至殿階上攝判通禮跪啓請降輿升座啓訖俛伏興大祝奉虞主

匱安于靈座魂帛函置其後執事者奉冊寶置於案上判通禮導

殿下入齋殿○甲寅遣司直高起忠解送唐人宋得龍等三十三人于

遼東○工曹判書崔閔德奉謚冊謚寶入內○禮曹啓虞祭儀及安陵

奠儀虞祭儀曰前期通禮門設殿下版位於東階東南西向設亞獻

官終獻官位於殿下版位之後近南西向北上執事者位於其後異

位重行俱西向北上設執禮位於東階西南西向謁者贊者贊引在南

小退俱西向北上若內庭窄狹則設贊者位設宗室以下文武群官位

於外庭文武西中心為頭異位重行俱北向宗室於道西在前行設監察位二

於東西班後北向書吏各陪其後典祀官帥其屬入奠祝版於靈座

之左有陳幣篚二於尊所設香爐香合并燭於靈座前次設祭器實

饌具設尊兩於戶外之左皆加勺罍北向西上設洗於東階東南北向

盥洗在東爵洗在西南有盤盥在洗東加勺罍在洗西南肆實以巾若爵洗之罍則

亞終獻洗又於東南北向盥洗在東爵洗在西若王世子亞獻盥在洗

東加勺罍在洗西南肆實以巾若爵洗之罍設諸執事盥洗於亞終獻

洗東南北向時至典祀官帥其屬入實饌具畢諸享官及陪祭群官皆



就殿門外執禮帥謂者贊者贊引先就殿庭拜位重行北向西上四拜

各就位贊引引典祀官大祝齋郎入就殿庭拜位立定執禮曰四拜九

禮有詳贊者傳唱典祀官以下皆四拜贊引引諸執事詣盥洗位盥帨訖各就

位判通禮導 殿下詣齋殿即座通禮門分引陪祭宗室以下文武群

官入就位謂者引亞獻官若王世子亞獻終獻官入就位大祝閉匱奉

出虞主設於座覆以白貯巾宮闈令開匱奉出王后神主設於座覆

以青貯巾虞主在西執事者詣爵洗位洗瓚拭瓚洗爵拭爵置於篚奉詣尊

所置於坫上禮曹判書進當齋殿前跪啓請行第一虞禮第二虞至第七虞隨改

啓訖俛伏與判通禮導 殿下出齋殿詣版位西向立判通禮啓請四

拜哭殿下四拜哭盡哀執禮曰衆官四拜哭在位者皆四拜哭盡哀先拜

者不拜判通禮導 殿下詣盥洗位北向立內侍跪取匱與沃水又內侍

跪取盤承水 殿下盥手內侍跪取巾於篚以進 殿下帨手訖內侍

受巾奠於篚判通禮導 殿下升自東階近侍從升詣尊所西向立執尊

者舉巵酌鬱鬯近侍以瓚受酒判通禮導 殿下入詣 靈座前北向

立啓請跪近侍一人奉香合跪進近侍一人奉香爐跪進判通禮啓請

三上香近侍奠爐于案近侍以瓚跪進判通禮啓請執瓚灌地訖以瓚



授近侍近侍受以授大祝近侍一人以幣篚跪進判通禮啓請獻幣以

幣授近侍奠于

靈座前

進者進贊進幣皆在東西向奠爐受贊真幣皆在西北向進爵奠爵准此

又近侍

一人以幣篚跪進判通禮啓請執幣獻幣以幣授近侍奠于 王后神

座前判通禮啓請俛伏興小退再拜哭導 殿下出戶降自東階復位

小頃判通禮導 殿下升自東階詣尊所西向立執尊者舉罍酌酒近

侍二人以爵受酒判通禮導 殿下入詣 靈座前北向立啓請跪近

侍奉爵跪進判通禮啓請執爵獻爵以爵授近侍奠于 靈座前又近

侍以副爵跪進判通禮啓請執爵獻爵以爵授近侍奠于 王后神座

前判通禮啓請俛伏興小退跪大祝進 靈座之左西向跪讀祝文訖

判通禮啓請俛伏興再拜哭導 殿下出戶降復位謂者引亞獻官詣

盥洗位北向立盥手悅手訖謂者引亞獻官升自東階詣尊所西向立

執尊者舉罍酌酒執事者二人以爵受酒謂者引亞獻官入詣 靈座

前北向立贊跪執事者以爵授亞獻官亞獻官執爵獻爵以爵授執事

者奠于 靈座前又執事者以副爵授亞獻官亞獻官執爵獻爵以爵

授執事者奠于 王后神座前謂者贊俛伏興小退再拜哭引降復位

謂者引終獻官行禮如亞獻儀引降復位判通禮啓請四拜哭 殿下



四拜哭盡哀執禮曰衆官四拜哭在位者皆四拜哭盡哀禮曹判書跪  
啓禮畢啓訖俛伏與判通禮導 殿下還齋殿謁者引亞獻官終獻官

出通禮門分引宗室以下文武群官以次出贊引引典祀官以下諸執  
事俱復拜位立定執禮曰四拜典祀官以下諸執事皆四拜贊引以次

引出大祝官闈令納主如儀執禮帥謁者贊者贊引就拜位四拜而出  
典祀官帥其屬撤禮饌大祝帥執事者奉魂帛埋於屏處紩地 第二虞

節此祝幣瘞於坎群官移班近東班首進名奉慰○安陵奠儀曰竦覆土  
既畢通禮門設山陵使位於丁字閣東階東南西向設諸執事位於山

陵使之後異位重行俱西向北上設宗室以下文武群官位於羨道左  
右近南宗室在西中心爲頭異位重行俱北向前期陵司設 靈座於

丁字閣當中近北南向設 王后神座於 靈座之左執事者奠祝版  
於 靈座之左設香爐香合并燭於 靈座前設尊於戶外之左設洗

於東階東南北向 盥洗在東爵洗在西 諸執事洗又於東南北向時至執事者盥  
手洗盞拭盞升自東階置於尊所奉饌升奠于 靈座前通禮門分引

宗室以下文武群官入就位奉禮郎引山陵使就位立定通贊贊再拜  
哭在位者皆再拜哭奉禮郎引山陵使詣盥洗位盥洗訖引山陵使升



自東階詣 靈座前北向立贊跪三上香執事者以茶酒授山陵使山陵使酌茶三奠酒次詣 王后神座前北向立贊跪三上香執事者以茶酒授山陵使山陵使酌茶三奠酒奉禮郎贊俛伏興小退當中北向跪大祝進 靈座之左西向跪讀祝文訖奉禮郎贊俛伏興再拜哭引降復位通贊贊再拜哭山陵使以下在位者皆再拜哭奉禮郎引山陵使出通禮門分引宗室以下文武群官以次出執事者撤禮饌祝版瘞於坎○九月乙卯朔上率百官行 殯殿朔祭左議政李原率百官以將上 太行太上王謚告于宗廟百官皆權免衰絰著黑衣烏角帶烏紗帽其儀曰前期有司設冊寶褥位及案於殿上當中北向設奉上冊寶領議政位於其南北向又設權置褥位及案於殿西階下東向設領議政位於東階東南西向設班首以下文武群官位於庭中文東武西中心為頭異位重行俱北向其日班首以下又武群官常服黑角帶徑至告廟處領議政以下應行事執事官亦常服黑角帶詣闕跪詣冊寶內降出安於龍亭其儀具上冊寶儀註內詣 宗廟奉冊官奉寶官奉謚冊謚寶入置於權置位冊北寶南乃退俟有司設酒脯排辦訖饌品如朔望奠儀但無牲有幣通禮門分引班首以下文武群官入就位立定奉禮郎引讀冊官讀寶官詣權置位之南北向立引奉冊官奉寶官立於讀冊官讀寶官之後引領議政入



就位西向立通贊贊四拜領議政以下在位官皆四拜訖奉禮郎引領  
議政詣盥洗位盥悅訖升自東階詣翼祖室香案前跪三上香執幣  
奠幣執爵奠爵俛伏興小退跪大祝進領議政之左東向跪讀祝文訖  
領議政俛伏興次詣度祖室次詣桓祖室次詣太祖室次詣恭靖  
大王室行禮並如上儀出就前楹間當中北向再拜引降復位奉禮郎  
再引領議政詣權置位立奉冊官詣冊案前跪舉冊匣興升詣殿上當  
中褥位跪奠訖小退立奉禮郎引領議政升詣殿上褥位跪奉冊官跪  
舉冊讀冊官北向跪讀冊文訖俛伏興退奉冊官奉冊匣降置於權置  
位奉禮郎引領議政降就權置位立奉寶官詣寶案前跪舉寶盞升詣殿  
上當中褥位跪奠訖小退立奉禮郎引領議政升詣殿上褥位跪奉寶官  
跪舉寶讀寶官北向跪讀寶訖俛伏興退奉寶官奉寶盞降置於權置  
位奉禮郎引領議政降復位西向立通贊贊四拜領議政以下在位官  
皆四拜訖大祝奉祝幣瘞於坎奉冊官奉寶官奉冊寶安於龍亭奉禮  
郎引領議政以下應行事執事官隨至殯殿奉冊寶安於權置幄內  
上冊寶儀具初領議政以下行事執事官奉冊寶將詣殯殿班首以  
本儀註內下文武群官皆退○朔寧教導鄭孝溫妻故典書李勉養女也勉給孝



溫妻奴婢後勉死其妻鄭氏又以族人前正郎尹江爲養子欲以勉奴婢與之孝溫訟於都官憤執尹江衣襟拳毆之鄭氏諭之使解孝溫以手揮之鄭氏仆地孝溫奸尹向妓妾綠鬟兒妄稱父病請告於觀察使到京不着裘服公然橫行江告于憲府憲府具辭請罪適承政院有故未得啓江謂刑房代言郭存中孝溫族人故稽留不啓嗾鄭氏訴于憲府云存中矇蔽天日棄閣不奏命下鄭氏及江于義禁府鞠之孝溫鄭氏江皆贖杖一百孝溫以聞喪匿不舉哀加徒一年○丙辰太白晝見

○左議政李原率百官詣

殯殿上

太上王謚冊寶冊曰孤哀子嗣

王臣諱謹再拜上言竊以大德隆功復超前古鴻名顯號宜示後人祇率彛章式薦徽號恭惟聰明神聖勇智寬仁當麗運之既窮識天人之攸屬扶翼太祖肇開萬世之基入覲高皇特荷三接之寵炳幾微於未著致宗社之永寧立愛惟親克篤承顏之孝因心則友載錫讓德之光武威肅於風霆文治昭於日月交隣有道事大以誠化洽遐邇恩覃動植念叨承於景緒期榮養於遐齡難堪踈擗之痛庸舉顯揚之儀上尊號曰聖德神功文武光孝大王伏冀睿靈俯垂冲鑑永綏多福保子孫於無窮幽贊丕圖與天地而並久命以太上王平時冊寶藏



諸尚衣院○遣中使召讓寧大君禔于利川○初禮曹於上謚冊寶時  
令百官著黑衣烏紗帽烏角帶陳吉仗行禮朝儀已具李原曰 宗廟  
請謚百官著常服乃緣壓尊耳 殯殿上册焉有脫衰從吉之理禮曹  
何以有此議乎判書李之剛引上謚 太妃事為證原曰 太妃之喪  
二十七日釋服上謚冊在於從吉之後其儀有百官著常服之文不可  
泥也乃止○丁巳命孝寧大君補行啓 殯奠遂啓攢宮行祖奠○祈  
晴于社稷○賜守陵官漢平府院君趙洎侍陵宦官金仲貴諸藥餌有  
差○禮曹啓謝后土儀曰竢覆土既畢執事者於玄宮之左除地設后  
土氏神位南向席以莞設獻官位於神位東南西向執事者位於其後  
西向北上謂者贊者位於獻官西南西向北上奠祝版於神位之右設  
香爐香合并燭於神位前次設祭器實饌具饌品與開  
盤域祭同設尊於神位東  
南北上設洗於其東南北向盥洗在東  
爵洗在西諸執事洗又於其東南北向行  
事執事官各具公服時至謂者贊者先就拜位北向四拜訖就位謂者  
引祝及執事者入就拜位北向立定贊者曰四拜祝以下四拜詣盥洗  
位盥悅訖各就位謂者引獻官入就位立定贊者曰四拜獻官四拜謂  
者引獻官詣盥洗位北向立贊搢笏盥手悅手盥手悅  
手不贊贊執笏引詣尊



所西向立執尊者舉罍酌酒執事者以爵受酒謁者引獻官詣神位  
前北向立贊跪搢笏三上香執事者以爵授獻官獻官執爵獻爵以爵  
授執事者奠于神位前贊執笏俛伏興少退北向跪祝進神位之  
右東向跪讀祝文訖謁者贊俛伏興退復位贊者曰四拜獻官四拜謁  
者引出謁者引祝以下就拜位立定贊者曰四拜祝以下四拜謁者引  
出謁者贊者就拜位四拜而出執事者撤饌祝版瘞於坎獻官正三品  
祝史一謁者一贊者一齋郎一并參外○戊午孝寧大君補行遣奠祝  
讀哀冊冊曰維永樂二十年歲次壬寅五月朔丁巳初十日丙寅聖德  
神功太上王薨于新宮殯于壽康宮正殿九月乙卯朔初六日庚申葬  
于獻陵禮也殯宮斯啓繆幕將移百寮侍從萬仗歲隄曉露殘兮山川  
慘酸風動兮草木悲聖上叩地號天仰宸展兮如在摧肝毀脊悼天顏  
兮永隔爰命詞臣式宣盛德其詞曰粵自東方爰自王氏統一三韓幾  
五百祀主昏政亂神怒人離天眷懿德俾造丕基恭惟我后灼知天命  
扶翼聖祖撫安萬姓欽承帝命用賓王庭敷奏懇款接遇寵榮炳燦  
靖難宗社是定祇事恭靖益敷愛敬比續洪業式洪至治恩及飛潛  
頌騰遐邇交隣以道事大彌謹帝眷丁寧詔辭繡繡印章有赫冕服



斯煌島夷賓服家國平康功光先祖德垂後人維德之聖維功之神復  
越前古克配上天歛此盛美垂耀簡編嗚呼哀哉道參化育明燭幽微  
禮興樂作文昭武威始終二紀勤勞庶政庶于頤養傳之神聖畏天憂  
民之誠未嘗頃刻弛于聖情庶幾遐齡永享榮養奈何一朝偶嬰微恙  
遂大漸而不愈貽罔極之哀號嗟臣庶之薄祐致天日之永韜嗚呼哀  
哉嚴祖庭兮盡禮獻寶冊兮揚徽惟聖上之茹痛兮如窮人之無所歸  
塵樓兮宮掖雨泣兮臣民執靈輜以擗踊兮望橋山而怨蒼昊嗚呼哀  
哉意脩短之有數兮雖聖智而難逃唯功德之至大兮與日月而齊高嗚  
呼哀哉奉 梓宮出壽康宮門乘柳車吉凶儀仗以次前導 上率宗  
親哭從步出宮門乘素輦百官步從出自興仁門留都百官耆老僧徒  
生徒回回各奉辭於門外哭聲振野至麻田浦乘浮橋以渡至山陵奉  
梓宮安于帳殿 上入喪次○京畿觀察使設奠○己未奉 梓宮  
納于槨束以皮條覆以棺衣取銘旌去杠置於上乃設奠○庚申 上  
率百官行遷奠奉 梓宮向玄宮山峻工曹參判李歲作四輪車前低  
後高奉 梓宮挽而上山如在平地 上率百官再拜哭奉辭領議政  
府事柳廷顯司憲執義朴安臣監鑠 玄宮門 上及群臣皆失聲號



哭聲振山谷侍衛軍士達夜悲泣至日出不絕 上詣吉帷宮百官序  
立於外乃題 虞主 上還喪次有司設奠 上率百官行禮如儀有  
司奉 虞主以行 上步從至紅門外乘素輦百官出紅門外百步許  
上馬以從留都群臣奉迎于興仁門外奉安 虞主于廣孝殿行初虞  
祭上還廬次議政府六曹啓今大事已成請 殿下入御內室不允○  
因戶曹判書申浩工曹參判李蕝判內侍府事金龍奇于義禁府初  
梓宮赴山陵也南 首及將赴 玄宮也北 首浩奉引至 玄宮門  
忘其已北 首使舁者回舁 梓宮誤以南 首安於 玄宮至李蕝  
拂拭 梓宮方知其誤乃改以北 首奉安人皆歸罪於浩金龍奇亦  
從至 玄宮門者并囚○山陵制度尺用營造尺石室內廣八尺高七  
尺長十一尺兩旁石各二高各八尺長各五尺七寸五分厚各二尺五  
寸蓋石二廣各八尺長各十四尺厚各三尺加置蓋石一廣五尺長十  
四尺中厚一尺兩邊厚一尺北隅石一高八尺長十一尺厚二尺五寸  
門兩邊立石二兩邊各一高各八尺廣各三尺五寸厚各三尺門闕石  
一厚二尺長七尺廣三尺門扉石二高各七尺廣各三尺五寸厚各一  
尺門倚石一高七尺廣七尺厚二尺外排地臺石十二刻為厚各一尺



八寸長各九尺廣各三尺十二地面石十二

下刻靈芝上刻雲彩及十地神雲彩分在左右地

神在中每神高各二尺八寸長各四尺八寸五分厚各三尺隅石十二

似狀

石磬下刻靈芝上刻靈高各二尺八寸長各三尺九寸厚各三尺滿石

十二刻為仰蓮高各一尺八寸長各九尺厚各三尺引石十二

外端數丹葵花菊花相間

雕刻每一花兒長各六尺方廣各一尺一寸石攔干初面地臺排石十厚各

一尺五寸長各六尺八寸廣各二尺隅石九狀似磬厚各一尺五寸長各

四尺四寸廣各二尺五寸石柱十一高各六尺三寸

以一尺為圓頭次以三尺分作

仰覆蓮次以九寸為納竹石端處次以二尺一寸兩旁分作仰覆蓮

葉其仰覆蓮葉間刻圓如意紋仰蓮葉擎竹石端覆蓮葉鎮地方石端

以覆蓮葉下一尺為納兩旁童子柱石十高各三尺二寸四面廣各一

地方石處並高六尺三寸童子柱石十高各三尺二寸四面廣各一

尺一寸為雲頭其雲頭擎竹石連接處地方石二十厚各一尺廣各

一尺一寸長各五尺五寸竹石二十長各四尺九寸八面各三寸徑八

寸薄石二十廣各二尺厚各一尺長各五尺五寸次面地臺排石十厚

各一尺三寸長各七尺五寸廣各二尺隅石九石磬似高各一尺五寸長

各四尺厚各一尺五寸石羊四長各五尺廣各二尺八寸高各二尺五

寸石虎四長各四尺廣各二尺高各三尺九寸石望柱二以一人為圓頭次以頭下

一尺五寸上刻仰蓮下刻雲彩次以四尺一寸作八面其圓徑一尺一寸高各六尺四寸仍舊左地臺石



二有八面高各二尺六寸上下圓徑二尺二寸五分燒錢臺石一其上四

平有腰高二尺五寸上下皆方四面各三尺一寸石床一長十一尺廣

六尺三寸厚一尺四寸足石五刻為羅圓徑各二尺高一尺六寸足石

下臺石五長明燈頂子石一為雲彩高一尺五寸圓徑一尺一寸蓋

石一八面高二尺五寸上徑一尺一寸下徑三尺九寸隔石一八面其

四有面高一尺七寸徑二尺三寸臺石一上下皆八面以其上一尺三寸

八面每面陽皆刻蓮珠文以刻為仰蓮文以一尺二寸作

二人冠帶長各十一尺五寸出地上七尺五寸廣各三尺厚各二尺五寸

拜石一長六尺一寸廣三尺二寸北庭及東西庭廣各六尺北牆底階

一級高三尺三寸廣二尺五寸地臺隔石滿石具牆高二尺三寸長九

十九尺九寸地臺高九寸東西牆底階各一級高各九寸廣各二尺牆

高二尺三寸長五十八尺八寸地臺高九寸南面三階上階高一尺南

北廣十四尺東西長一百四尺三寸中階高及長與上階同廣二十一

尺下階高二尺七寸地臺滿廣二十七尺長與上階同各當拜石南有

小石階東西亦有小石階右制度穿壙其中央安大棺處深九尺四寸

四旁地臺石排置處深十三尺四寸其置地臺石處以雜石和土而填



之築實厚四尺及安大棺處平而止然後置地臺石厚一尺四寸訖作石室於其

上虛其底其造排之序先置北隅石一一鑿兩端各長八尺廣各一尺五寸深各五寸令納兩旁石

次置兩旁石各二片次置門兩邊立石二於兩旁石之南各五寸入兩旁石之內

置門闕石一於兩旁立石之間九縫鑿皆用油灰彌之訖北隅石及兩

旁石之外以雜石築實之及石之高而止次加盖石二片二片皆從中夾長八尺之

外兩旁作額深四寸近北一片下邊作額長十一尺廣二尺五寸深四寸以額處向內跨置兩旁石及北隅石之上以防北隅石及兩旁石之

向內傾什也近南一片下邊中央長七尺鑿之深四寸廣二尺五寸令納門扉石上端其二片連合處以油灰彌

之九連合處皆油灰彌之其底虛處布石灰細沙黃土

拌勻者灰三分二而築之厚二尺謂地臺石高一尺四寸及三旁石高六寸合二尺訖石室內

廣八尺高七尺長十一尺又圖畫天像日月星辰皆圓畫於石室蓋石內面北

隅石及兩旁石之上外三面置地臺石十二并南面為十二用水鐵引鈇十二

連合虛其南面銚形兩頭廣中央小先於地臺石連合兩端分鑿一坎形及連置後以引銚連之虛其南面者候安梓官開門

然後周回以隅石十二及地面石十二加於地臺石之上相間連排虛

其南面次用滿石十二其中中央則在面石之上其兩端則當隅石中央處加於十二隅石及面

石之上鑿滿石兩端連合處以引銚十以引石十二加於滿石之上其

石一端出於滿石之外一以土加於蓋石之上而漸築之排地臺石訖尺許各當滿石連合處



平之後置陽石面石又以土填築之厚五尺七寸又於十二地臺石之外亦如之自蓋石上至滿石填築之厚五尺七寸

隔二尺先置石欄干與元敬王太后陵室石欄干連排初面地臺排

石十次置隅石九相間連排亦虛其南面以石柱十一立於隅石之上

以童子柱石十立於初面地臺排石之上童子柱石在下置地方石二

十於石柱與童子柱石之間地方石每於石柱次置薄石二十於十二

地面石之外初面地臺石之內上施竹石二十於石柱之間其一端接

石柱仰覆蓮之下其一端接童子柱石之上竹石每於十一石柱以次

周回連排又置次面地臺排石十隅石九於石欄干之外皆虛其南面

用油灰彌之兩陵室間薄石九連排中高兩地臺石相距二尺七寸東

西北三面各設階一級繚以墻墻內新石羊四石虎四舊石羊四石虎

四并十六內西南隅置石虎二次置石羊二西北隅置石虎一次置石

羊二兩陵室間北置石虎二次置石羊二東北隅置石虎一次置石羊

二東南隅置石虎二皆外向自石欄干至石虎相距三尺八寸南設三階

上階東西先置地臺石各一立石望柱各一於地臺石之上自石虎至

柱相距七十九尺七寸又於石望柱之西掘地以雜石築之設燒錢臺

自地臺石至燒中階東西掘地立冠帶石人各二四人下階東西掘地



立衣甲石人各二四入又於下階長明燈之南掘地埋拜石一其石面

齊下階之平下階直南五十步二尺間曾構丁字閣五間仍舊於丁字

閣西北階上設燒錢臺一如上階燒錢之排又於其東新構奠饌排設

廳三間又於陵之東山下平地構守陵齋所二十二間至奉 梓宮安

於石室訖以門扉石二上端四寸入蓋石南下連鑿處下端塞其門加

門倚石一於扉石之外以油灰塗其縫鐫又以雜石和土築實然後置

南面地臺石次加隅石地面石滿石引石又置石欄干並如上項三面

之排周回既畢乃於蓋石先築之上復實以土而堅築之陵高三十三尺

七寸下滿石上八尺又於陵南近地即石末掘地深五尺用誌石二片長

各四尺四寸廣三尺四寸厚四寸五分其一為蓋刻云獻陵有明朝鮮

國太宗聖德神功文武光孝大王之陵其一為底刻誌文○柳車禮記喪大

記及儀禮經傳通解續文獻通考論棺條皆云君龍帷三池振容翮荒

火三列轍三列素錦楮加帷荒纁紐六齊五采五貝魚躍排池纁纁六

纁按六今用此布參酌其制用轂二持輻內受軸長二尺五寸徑二尺一

寸兩端以鐵帶之兩輪徑各七尺裏以牛皮朱漆軸一長十三尺中央

方其徑九寸兩端圓其徑六寸皆以鐵帶之其端各加大鐵環轆二長

二十一尺五寸廣四寸厚七寸前兩端施橫木一長十二尺廣厚各六



寸所謂衡也後兩端刻龍頭施五采中央施橫木四長五尺廣四寸厚

二寸五分橫木上為車箱其制前後左右各施歸機一前後長八尺廣四寸厚三寸左

右長十三尺七寸五分廣厚上同歸機四隅立短柱長一尺二寸短柱間立小柱左右各三

柱間施精板車箱內四隅立柱高四尺二寸五分柱上施檁棟為屋覆

以鴨青段子所謂鼈甲也緣邊畫黑白黼文所謂黼荒也荒蒙也即中

央畫為火氣三行又畫兩已相背為三行所謂火三列黻三列也次用

椴木為齊齊者臍之意以當中而言形圓如車之蓋高三尺徑二尺餘施於鼈甲上

當中以五綵繒今用五色段子衣之列行相次又連五色珠為五行各長一尺

絞絡齊上所謂齊五綵五貝也次用椴木刻為雲頭施於荒邊四面刻

為龍頭施於四隅垂流蘇次用白紵布為帷畫龍施於四面所謂龍帷

也又織竹為籠衣以青紵布掛於柳上荒邊三面瓜端以象宮室承雷

所謂三池也諸候關後面故三池也次用青黃繒十五幅今用柳青繒為容長丈餘如

幡畫雉懸於池下車行則幡動所謂振容也次鑄銅魚九懸於池下當

振容間每池三魚車行則魚跳躍上拂於池所謂魚躍拂池也次用纁帛今用

紅紬為紐以連上蓋與邊障相離處兩旁各三故凡六所謂纁紐六也用

素錦為屋今用白綾象宮室置於荒下高二尺八寸五分廣三尺五寸長九



尺一寸所謂素錦褚也其內施褥席紫絨踏席地衣一紫絨褥一次

用繡帛今用紅絨為戴戴猶也所以繫棺著柳骨使棺堅值也棺之橫束有三

每一束兩邊各屈皮為紐令穿戴於紐繫柳骨故六戴也所謂繡戴六

也次用繡帛今用紅絨為披以一頭繫所連柳之戴之中而出一頭於帷外

人牽之每戴繫之故亦六也若牽車登高則引前以防軒車適下則引

後以防翻車欹左則引右欹右則引左使不覆也所謂繡披六也○輜

代以肩輿用杠二長各二十五尺廣二寸五分厚五寸兩端圓其徑三寸就

中施橫木五長四尺四寸廣三寸厚二寸橫木上四面施欄干欄干內

四隅立柱高三尺四寸柱上加曲探飾以竹網其上加鼈甲鼈甲下四

面垂柳青絹甲帳欄干之制如車箱高五寸其前後面各出戶以備

梓宮升降時閉閉將奉梓宮升輓則開後面升訖閉之以鐵鎖拘之

又以白紵布從外四面堅結將降輓升柳車則開前面○返虞車一用

轂二長一尺八寸徑一尺四寸兩端以鐵帶之兩輪徑各六尺軸一長

十尺中央方其徑七寸兩端圓其徑四寸其端各加中鐵環轆二長各

十五尺廣三寸厚六寸前兩端施橫木一長九尺廣厚各四寸後兩端

刻為龍頭中央施橫木四長五尺廣四寸厚二寸五分橫木上施歸機



為車箱如柳車制車箱內四隅立柱高三尺五寸柱上施椽棟為屋覆以

鴨青段子用椴木為齊朱其色施於屋上當中如柳車之齊而小又以

彩帛為簾衣施於屋四面其下用厚紙畫以花草障三面用朱簾垂前

面其內施褥紫絨踏席地衣一藍絨踏○返虞轡一用杠二長

各十一尺廣二寸厚三寸就中施橫木二長各二尺三寸橫木外兩杠

施足各二高各一尺其上立柱高各二尺八寸廣厚各一寸五分柱上

加橫扁扁上施椽為屋其形穹隆覆以鴨青絨用椴木為齊朱其色施

於屋上當中又用椴木刻為雲頭簾衣施於屋四面刻為鳳頭施於四

隅其下用厚紙畫以花草障三面用小朱簾垂前面其內施褥紫絨踏

青木絲四面無障其內施紫絨踏席半張謚冊寶腰轡一其制與返虞轡同但蓋用

腰轡一哀冊腰轡一其制並與謚冊寶腰轡同服玩腰轡一其制與謚

冊寶腰轡同但蓋用青布四面用花草障子其內施青布絙白紋席地

衣一明器腰轡五其制亦與服玩腰轡同香亭子一用杠二長各十尺

就中施橫板長一尺八寸杠下施雲足其上立柱四高一尺五寸柱

上加橫扁扁上施椽為屋如常時香亭子載椽車一其制如常時任載



之車方相氏車四其制如常車而小車上施小床○儀仗吉仗後殿大  
 旗二玄武旗一青陽繖二紅陽繖一假水精杖一金鉞斧一龍扇二雀  
 扇十紅蓋二鳳扇八青蓋二金鼓各四假金鉞斧四假銀鉞斧四平兜  
 輦一旌四旄節四罕一畢一青陽繖二假金斫子四假銀斫子四假銀  
 校倚二踏掌具金骨朶子六銀骨朶子六幢四灌子一玉盃一金粧刀  
 二銀粧刀二君王千歲旗一金鐙十碧鳳旗二哥舒棒十鼓字旗一金  
 字旗一駕龜仙人旗二令字旗二熊骨朶子六豹骨朶子六玄鶴旗一  
 白鶴旗一龍馬旗二天下大平旗一角端旗二三角旗二白澤旗二朱  
 雀旗一丁丑旗一丁亥旗一丁酉旗一丁卯旗一丁未旗一丁巳旗一  
 朱雀旗一青龍旗一白虎旗一玄武旗一黃龍旗一紅門大旗二紅蓋  
 一凶杖繡翼二以木為筐如扇而方兩角高廣二尺高二尺四寸表以  
白布柄長五尺畫繡文繡形如斧緣為雲氣皆畫以紫  
 蔽翼二其制如繡翼畫轍轍上同畫翼二其制皆上同羽葆一以文獻通考云  
形兩已相背緣上同畫翼二其制皆上同羽葆一以文獻通考云  
 也今以白羽為之而白其柄青繡鞍馬十紫繡鞍馬十竹散馬二方相  
 氏四黃金四目象熊皮冠玄衣朱裳升車執戈揚鞭燈燭白燭籠二青燭籠二紅燭籠二望燭  
 五百火鐵籠四十炬火五百挽詞五十五道喪帷白紵布帳三內官所入白  
 正布帳四官人所入玉冊謚冊四十八簡哀冊八十四簡皆書而刻之簡



長六寸廣七分厚四分尺用布以紅真絲貫而編之以錦線為純緣裏

以紅綃袂各納于函函以木為之叅其外內塗以黃綾鑲匙全外裏以

紅綃袂 返虞虞主一用桑木長一尺方五寸上頂徑一十八分上下四

蓋從上而與底齊依杜氏通典及本國宗廟神主 匱一用木為之其制

體制製造尺用朱文公釋奠儀式內造禮器尺 藏魂帛函代用土藤箱子 右虞主先

及外裏紅 浴主盤匝拭巾用白細 期依式製造發引前一日奉常寺官負以引路四人前導陪進 殯殿

門外殿官奉安于魂帛之後至發引日奉詣山陵○辛酉 上率百官

詣 廣孝殿行再虞祭還廬次○壬戌太白晝見○上率百官詣 廣

孝殿行三虞祭還廬次○上慮豪勢之家縱牛馬害人田禾命司僕官

吏徃視田野其放牛馬躡損禾穀者勿問其主姓名令兵曹分給各驛

○癸亥平安道敬差官尹惇還啓本道四十四邑飢民四萬五百名○

欽問起居使通事崔雲回自京師言皇太子傳令旨云爾王至誠事大

以善馬禮物遠問起居予甚喜之還將此意啓爾王汝宰相勞於遠道

勿以為勞○甲子太白晝見○上率百官詣 廣孝殿行四虞祭還廬

次○飢民至京中者絡繹行乞於市命設救療所於興福寺設粥飲以

給之使副正尹誠之僧坦宣掌其事全活甚眾○傳旨曰孝寧大君補



敬寧君排恭寧君姻輪次入直廣孝殿若有故則清平府院君李伯剛  
 平壤君趙大臨益平府院君石根宜山君南暉義平君元生順平君群  
 生以次入直○丙寅 上率百官詣廣孝殿行五虞祭還廬次○對馬  
 島守護宗彥六及其母遣使獻土宜叅贊許稠啓宜厚待其使優其荅  
 賜從之○承政院啓近日將御昌德宮請於宮內禳謝不允趙未生金  
 益精固請亦不允○戊辰 上率百官詣廣孝殿行六虞祭還廬次○  
 李原遣舍人鄭旅啓箭串牧場養馬等夜則入京縱其馬於穀田 上  
 命囚養馬于獄又慮諸牧場養馬不謹牧養縱使散逸損傷禾穀分遣  
 兵曹郎吏于衿川留後司江華檢察以聞○禮曹啓拜獻陵儀 廣孝  
 殿朔望親享儀攝行儀拜陵儀曰前一日忠扈衛設大次於陵所近地  
 量設小次於陵室之側侍臣次於大次之前文武群官以下  
 文武群官次又於大次之前隨地之宜陵司率其屬掃除陵室設饌慢  
 於陵所近地校書官負以祝板奉進近侍傳奉以進 殿下署訖近臣  
 奉出附攸司通禮門設 殿下版位於陵室東南西向設亞獻官終獻  
 官位於 殿下版位之後西向設宗室以下文武群官位於神道左右  
 中心為頭異位重行俱北向

宗室於道  
西生前行

其日未行事前陵司掃除陵



室典祀官陵司率其屬入奠祝版於靈座之右設香爐香合并燭於

靈座前次設祭器實饌具設尊於戶外之左其日未明一刻車駕出宮

至大次書雲觀報時通禮門分引宗室以下文武群官入就位奉禮郎

引亞獻官若王世子亞獻則知通禮引終獻官入就位判通禮啓外辦導殿下至

版位西向立判通禮啓請四拜殿下四拜通贊曰四拜在位者皆四

拜判通禮導殿下升自東階請尊所西向立執尊者酌酒近侍二人以

盞受酒判通禮導殿下入詣靈座前北向立啓請跪近侍一人奉

香合跪進近侍一人奉香爐跪進判通禮啓請三上香近侍奠爐于案

進者在東西向奠爐在近侍奉盞跪進判通禮啓請執盞獻盞以盞授

近侍奠于靈座前又近侍以副盞跪進判通禮啓請執盞獻盞以盞

授近侍奠于王后神座前判通禮啓請俛伏興小退跪大祝進靈

座之右東向跪讀祝文訖判通禮啓請俛伏興再拜導殿下出戶降首

東階復位奉禮郎引亞獻官升自東階請尊所西向立執尊者酌酒執

事者二人以盞受酒奉禮郎引亞獻官入詣靈座前北向立奉禮郎

贊跪執事者以盞授亞獻官亞獻官執盞獻盞以盞授執事者奠于

靈座前又執事者以副盞授亞獻官亞獻官執盞獻盞以盞授執事者



奠于 王后神座前奉禮郎贊俛伏興小退再拜引降復位奉禮郎引

終獻官行禮如亞獻儀引降復位判通禮啓請四拜 殿下四拜通贊

曰四拜在位者皆四拜判通禮導 殿下還大次奉禮郎引亞獻官終

獻官出通禮門分引宗室以下文武羣官以次出典祀官陵司帥其屬

撤禮饌祝版瘞於坎車駕還宮○廣孝殿朔望儀曰前期通禮門設

殿下版位於東階東南西向設亞獻官終獻官位於 殿下版位之後

近南西向北上設宗室以下文武羣官位於外庭文東武西中心為頭異

位重行俱北向宗室於道西在前行設監察位二於東西班後北向書吏各陪其

後典祀官殿司各帥其屬入奠祝版於 靈座之右設香爐香合并燭

於 靈座前次設祭器實饌具設尊於戶外之左時至諸享官及陪祭

群官皆就殿門外判通禮導殿下乘輿以出權就齋殿通禮門分引 宗

室以下文武羣官入就位奉禮郎引亞獻官若王世子亞獻終獻官入就

位大祝開匱捧出 虞主練祭後稱大王神主設於座覆以白紵巾官闔令開匱

奉出 王后神主設於座覆以青紵巾判通禮啓外辦導 殿下至版

位西向立啓請四拜 殿下四拜通贊曰四拜在位者皆四拜判通禮

導 殿下升自東階詣尊所西向立執尊者酌酒近侍二人以盞受酒



判通禮導 殿下入詣 靈座前北向立啓請跪近侍一人奉香合跪

進近侍一人奉香爐跪進判通禮啓請三上香近侍奠爐于案

真爐在東向進判通禮啓請執盞獻盞以盞授近侍奠

于 靈座前又近侍以副盞跪進判通禮啓請執盞獻盞以盞授近侍

奠于王后神座前判通禮啓請俛伏興小退跪大祝進 靈座之右東

向跪讀祝文訖啓請俛伏興再拜導 殿下出戶降自東階復位奉禮

郎引亞獻官升自東階詣尊所西向立執尊者酌酒執事者二人以盞

受酒奉禮郎引亞獻官入詣 靈座前北向立贊跪執事者以盞授亞

獻官亞獻官執盞獻盞以盞授執事者奠于 靈座前又執事者以副

盞授亞獻官亞獻官執盞獻盞以盞授執事者奠于 王后神座前奉

禮郎贊俛伏興小退再拜引降復位奉禮郎引終獻官行禮如亞獻儀

引降復位判通禮啓請四拜 殿下四拜通贊曰四拜在位者皆四拜

判通禮跪啓禮畢導 殿下還齋殿奉禮郎引亞獻官終獻官出通禮

門分引宗室以下文武群官以次出大祝宮闈令納主如儀典祀官帥

其屬撤禮饌祝版瘞於坎○其攝行儀曰前期有司設獻官位於東階

東南西向執事者位於其後稍南重行西向北上監察位於殿庭之南



近東西向書吏陪其後謁者贊者位於東階西南西向北上典祀官殿  
司各率其屬入奠祝版於靈座之右設香爐香合并燭於靈座前  
次設祭器實饌具設尊於戶外之左時至獻官以下皆就殿門外謁者  
贊者先就殿庭拜位北向西上四拜訖就位謁者引監察及典祀官諸  
執事入就拜位重行北向西上立定贊者曰四拜監察以下皆四拜訖  
各就位大祝開匱奉出練祭後稱虞主大王神主設於座覆以白紵巾宮闈令  
開匱奉出王后神主設於座覆以青紵巾謁者引獻官入就位西向  
立贊者曰四拜獻官四拜謁者引獻官升自東階詣尊所西向立執尊  
者酌酒執事者二人以盞受酒謁者引獻官入詣靈座前北向立贊  
跪執事者一人奉香合執事者一人奉香爐謁者贊三上香執事者奠  
爐于案奉者在獻官之右奠爐在獻官之左授盞奠盞惟此執事者以盞授獻官獻官執盞獻盞  
以盞授執事者奠于靈座前又執事者以副盞授獻官獻官執盞獻  
盞以盞授執事者奠于王后神座前謁者贊俛伏興再拜引出戶降自東  
進靈座之右東向跪讀祝文訖謁者贊俛伏興再拜引出戶降自東  
階復位小頃謁者引獻官升自東階詣尊所西向立執尊者酌酒執事  
者二人以盞受酒謁者引獻官入詣靈座前北向立贊跪執事者以盞



授獻官獻官執盞獻盞以盞授執事者奠于靈座前又執事者以副

盞授獻官獻官執盞獻盞以盞授執事者奠于王后神座前贊俛伏

與小退再拜引降復位小頃謁者引獻官行終獻禮如亞獻儀引降復

位贊者曰四拜獻官四拜謁者引出謁者引監察及典祀官謹執事俱

復拜位贊者曰四拜監察以下皆四拜謁者以次引出大祝官闈令納

主如儀謁者贊者就拜位四拜而出典祀官帥其屬撤禮饌祝版瘞於

坎○己巳上率百官詣廣孝殿行望祭還廬次○禮曹啓三年內各

品除授謝恩用白衣烏紗帽黑角帶外方使臣守令拜箋及迎命亦用

白衣烏紗帽黑角帶從之○禮曹啓廣孝殿直及獻陵直卒哭後入番

服衰服出番釋服從之○禮曹啓率哭儀曰前期通禮門設殿下版

位於東階東南西向設亞獻官終獻官位於殿下版位之後近南西

向北上執事者位於其後異位重行俱西向北上設執禮位於東階西

南西向謁者贊者贊引在南小退俱西向北上若內庭窄狹則設贊者位於外庭東階西南西

自設宗室以下文武群官位於外庭文東武西中心為頭異位重行俱

北向宗室於道西在前設監察位二於東西班後北向書吏陪其後典祀官帥

其屬入奠祝版於靈座之右有陳幣篚二於尊所設香爐香合并燭



於靈座前次設祭器實饌具設尊於戶外之左在玄酒皆加酌罍北向

西上設洗於東階東南北向在盥洗在東爵洗罍在洗東加勺篚在西南

肆實以巾若爵洗之篚則又實以爵亞終獻洗又於東南北向若王世子亞獻則別

設洗於終獻洗之西有盤匝罍在洗東加勺篚在洗西南肆實以巾若爵洗之篚則又實以爵設

諸執事盥洗於亞終獻洗東南北向時至典祀官帥其屬入饌具畢諸

享官及陪祭群官皆就殿門外執禮帥謁者贊者贊引先就殿庭拜位

重行北向西上四拜各就位贊引引典祀官大祝齋郎入就殿庭拜位

立定執禮曰四拜凡執禮有辭贊者傳唱典祀官以下皆四拜贊引引諸執事詣

盥洗位盥悅訖各就位判通禮導殿下詣齋殿即座通禮門分引陪

祭宗室以下文武群官入就位謁者引亞獻官若王世子亞獻則知通禮引終獻官

入就位大祝開匱奉出虞主設於座覆以白紵布宮闈令開匱奉出

王后神主設於座覆以青紵布在虞主執事者詣爵洗位洗瓚拭瓚先

爵拭爵置於篚奉詣尊所置於坫上禮曹判書進當齋殿前跪啓請行

禮啓訖俛伏興判通禮導殿下出齋殿詣版位西向立判通禮啓請

四拜哭殿下四拜哭盡哀執禮曰衆官四拜哭在位者皆四拜哭盡哀

先拜者判通禮導殿下詣盥洗位北向立內侍跪取匱興沃水又內



侍跪取盤承水 殿下盥手內侍跪取巾於篚以進 殿下悅手訖內

侍受巾奠於篚判通禮導 殿下升自東階近侍內請尊所西向立執

尊者舉罍酌爵近侍以瓚受酒判通禮導 殿下入詣 靈座前北

向立啓請跪近侍一人奉香合跪進一人奉香爐跪進判通禮啓請三

上香近侍奠爐于案近侍以瓚跪進判通禮啓請執瓚灑地訖以瓚授

近侍近侍以授大祝近侍一人以幣篚跪進判通禮啓請執幣獻幣以

幣授近侍奠于 靈座前進贊進幣皆在東西向奠爐受 又近侍

一人以幣篚跪進判通禮啓請執幣獻幣以幣授近侍奠于 王后神

座前判通禮啓請俛伏與小退再拜哭導 殿下出戶降自東階復位

小頃判通禮導 殿下升自東階詣尊所西向立執尊者舉罍酌酒近

侍二人以爵受酒判通禮導 殿下入詣 靈座前北向立啓請跪近

侍捧爵跪進判通禮啓請執爵獻爵以爵授近侍奠于 靈座前又近

侍以副爵跪進判通禮啓請執爵獻爵以爵授近侍奠于 王后神座

前判通禮啓請俛伏與小退跪大祝進 靈座之右東向跪讀祝文訖

判通禮啓請俛伏與再拜哭導 殿下出戶降復位謂者引亞獻官詣

盥洗位北向立盥手悅手訖謂者引亞獻官升自東階詣尊所西向立



執尊者舉罍酌酒執事者二人以爵受酒謂者引亞獻官入詣靈座  
前北向立贊跪執事者以爵授亞獻官亞獻官執爵獻爵以爵授執事  
者奠于靈座前又執事者以副爵授亞獻官亞獻官執爵獻爵以爵  
授執事者奠于王后神座前謂者贊俛伏興小退再拜哭引降復位  
謂者引終獻官行禮如亞獻儀引降復位判通禮啓請四拜哭殿下  
四拜哭盡哀執禮曰衆官四拜哭在位者皆四拜哭盡哀禮曹判書跪  
啓禮畢啓訖俛伏興判通禮導殿下還齋殿謂者引亞獻官終獻官  
出通禮門分引群官以次出贊引引典祀官以下諸執事俱復拜位立  
定執禮曰四拜典祀官以下諸執事皆四拜贊引以次引出大祝官闈令  
納主如儀執禮帥謂者贊者贊引就拜位四拜而出典祀官帥其屬撤  
禮饌祝幣瘞於坎群官移班近東班首進名奉慰○庚午上率百官詣  
廣孝殿行七虞祭○移御昌德宮從群臣之請也○辛未禮曹啓元  
敬王太后卒哭祭祝稱哀子今考儀禮經傳通解續云祭稱孝子孝孫  
喪稱哀子哀孫注云祭吉祭也謂自卒哭以後祭也吉則由孝子心故稱  
孝喪謂自虞以前祭也哀痛未申所以稱哀卒哭以後祭祝皆稱孝子  
從之○禮曹啓卒哭後三年內凡千喪事用素陽繖白杖常時則用青陽



繳烏杖命青繳扇烏杖用於拜表時○壬申太白晝見○上率百官詣  
廣孝殿行卒哭祭始薦肉膳 上還宮權免喪服著白衣烏紗帽黑角  
帶百官亦如之允啓事及口傳王旨並復舊制○禮曹啓廣孝殿獻陵  
外永寧殿宗廟社稷啓聖殿文昭殿穆清殿濬源殿及諸陵傳香時  
殿下服常服黑帶獻官諸執事亦著常服黑帶受香從之○傳旨曰文  
昭廣孝殿供上肉膳諸道趨節進于司饗房○癸酉 上始以素服視  
事於便殿政府功臣臺諫摠制亦入啓事○大護軍庾彥剛伏誅彥剛  
素寒微性粗鄙 太宗女淑真翁主在孩提避病在外彥剛家婢往乳  
之因以爲收養彥剛寅緣得至大護軍翁主適日城君鄭孝全於彥剛  
家及 太宗薨彥剛以爲無復可托遂踈孝全屢言不可同居迫之欲  
使異居接對言辭又不恭一日孝全不食垂泣而出 上聞之下義禁  
府鞠之以背恩忘德情攝不忠斬之○始用酒○副司正崔流詐稱永  
興伯之孫下義禁府杖流○甲戌鵬鳴于內園設解怪祭○乙亥太白  
晝見金木二星相犯○御便殿視事○欽問起居使韓長壽回自京師  
言 帝在漠北禮部承 皇太子令旨令還且言聖駕從近還都○星  
山府院君李稷左議政李原兵曹判書趙末生工曹判書崔閔德都摠



制朴齡禮曹參判李孟昉吏曹參判元肅等請曰卒哭之後猶御素膳  
聖體瘦黑群臣望見莫不驚駭且 殿下平昔非肉未能進膳今素膳  
已久恐生疾病昔 元敬王太后之喪 太宗勸肉膳曰主上一身係  
宗社安危不得自專臣等今日之請亦爲宗社生民也 上曰居喪食  
肉於禮何卿等以我爲不習蔬食恐生疾病耳予今無病豈可犯禮僧  
常蔬食尚有豐肥者予獨不能蔬食乎卿等其勿復言俄而曰太祖  
之喪易月後有百官食肉之命今欲令百官食肉如何趙末生曰 上  
之一身係宗社生靈尚且素膳况群臣之無病者乎老且病者食之可  
也從之○命戶書曰今當歲歉各司納貢物已令蠲減然於抽歛之際  
恐或病民其令各官毋得剽取絲毫○丁丑太白晝見○京畿海道察  
訪尹得民捕倭船一隻於全羅道斬首一級遣其卒安恭瑞告捷賜恭  
瑞衣一襲遣成均直講權克和賚宣醞勞之且賜衣服○戊寅忠清道  
青山縣監卓祉方國喪聚婦於隣邑宴樂無異平日觀察使李種善聞  
而鞠之祉憤怨移書責檢律曰君喪豈等於父喪蒼天蒼天我罪伊何  
種善具狀以啓下義禁府鞠之罪當死 上原之杖百籍沒家產妻子  
爲孥○嫌真兀狄哈巨乙加介率兵百餘停慶源府殺二人射一人○



已卯以趙氏為義貞宮主賚之女也李氏為惠順宮主云老之女也初  
上令金益精議于李原曰趙氏嘉禮色所選欲封嬪如何原曰趙氏不  
成禮不宜封嬪 上然之趙大臨為平壤府院君許稠吏曹判書李之  
剛戶曹判書金汝知禮曹判書卓慎議政府參贊朴光衍權夢中軍摠  
制李隨藝文館提學趙蓄左軍同知摠制仍為全羅道水軍都安撫處  
置使趙賚右軍同知摠制徐彌性司憲執義裴閔司憲掌令鄭甲孫司  
諫院左正言李興發忠清道兵馬都節制使玄貴命慶尚道兵馬都節  
制使朴矩慶尚左道水軍都安撫處置使文貴全羅道兵馬都節制使  
盧原湜判黃州牧事金有知判原州牧事崔詢判春川都護府事崔蠲  
判安邊都護府事李尚興判慶源都護府事慎以嘉善藝文提學超拜  
資憲辭曰臣以不才累蒙 上恩位至二品略無絲毫之補今又超遷  
宰輔之任必得曠官之誚 上不允慎恬靜有守悃幅無華學問精微  
動止有度常居賓師之位 上知其賢而甄異之賚以義貞宮主之父  
由上護軍拜嘉善蓄以捕倭之功遷同知摠制麾下前同正鄭崇立為  
司直前千戶朴賢祐金得明為威勇將軍又以軍功一等船軍於下番  
甲士加一等除授曾受功牌益干拜海領隊長二等船軍於海領陞一



等除授曾受功牌益干拜海領隊副無功牌者給功牌三等各賜米四石餘布三匹又以尹得民爲上護軍以賞之○改供正庫爲導官署永寧縣爲永綏縣嫌於恭靖王諡及永寧殿號也○庚辰禮曹啓三年內凡大小祭行事官受誓戒散齋者勿令祭廣孝殿祭從之蓋以不可著衰服也○辛巳視事命同副代言郭存中同義禁府鞫申浩等之罪○司憲府上疏曰罰以懲惡有國之常典不可廢也庚彥剛以顯鄙庸陋幸得黃緣保養翁主蒙太上殿下包容之仁累遷美官殊被息私身雖糜粉莫報萬一乃於太上賓天臣庶崩心之日曾不痛悼使氣狂言離絕翁主迫脅異居其慢上不忠莫甚於此未可輕議下特從寬典斷不以律止誅其身殊非懲惡之義也乞將妻子依律施行以慰輿望命籍沒家產妻子爲孀○壬午視事命吏曹判書許稠曰吏曹每當除授之日或因急迫未暇精選今後堂上郎廳同議預加揀選封緘蔽置當叙用時啓聞施行命兵曹判書趙末生曰今後入直揀制勤慢兵曹不待啓聞檢察以爲恒式○禮曹啓國喪三年內宗廟大享誓戒時獻官諸執事服色依元敬王太后喪制用常服黑帶從之○慶尚道觀察使啓永登浦萬戶金得生竊軍須雜物入已又給子



督與所愛妓命杖百罷職○癸未視事○禮曹啓卒哭後廣孝殿朔望  
及有名日別祭親享儀曰前期通禮門設 殿下版位於東階東南西  
向設亞獻官終獻官位於 殿下版位之後近南西向北上設宗室以  
下又武群官位於外庭文東武西中心為頭異位重行俱北向宗室於  
道西在前行設監察位二於東西班後北向書吏各陪其後典祀官殿  
司各帥其屬入設祝版於 靈座之右設香爐香合并燭於 靈座前  
次設祭器實饌具設尊於戶外之左時至諸享官及陪祭群官皆就殿  
門外判通禮導 殿下乘輿以出權就齋殿通禮門分引宗室以下文  
武群官入就位奉禮郎引亞獻官若王世子亞獻終獻官入就位大祝  
開匱捧出 虞主練祭後稱大王神主設於座覆以白紵巾宮闈令開匱捧出  
王后神主設於座覆以青紵巾判通禮啓外辦導 殿下至版位西向  
立啓請四拜 殿下四拜通贊曰四拜在位者皆四拜判通禮導 殿  
下升自東階詣尊所西向立執尊者酌酒近侍二人以盞受酒判通禮  
導 殿下入詣靈座前北向立啓請跪近侍一人奉香合跪進近侍一  
人奉香爐跪進判通禮啓請三上香近侍奠爐于案進者在東西向奠  
奠盞近侍奉盞跪進判通禮啓請執盞獻盞以盞授近侍奠于 靈座

奠盞

准此近侍奉盞跪進判通禮啓請執盞獻盞以盞授近侍奠于

靈座



前又近侍以副盞跪進判通禮啓請執盞獻盞以盞授近侍奠于王  
 后神座前判通禮啓請俛伏興小退跪大祝進靈座之右東向跪讀  
 祝文訖啓請俛伏興再拜導殿下出戶降自東階復位奉禮郎引亞  
 獻官升自東階詣尊所西向立執尊者酌酒執事者二人以盞受酒奉  
 禮郎引亞獻官入詣靈座前北向立贊跪執事者以盞授亞獻官亞  
 獻官執盞獻盞以盞授執事者奠于靈座前又執事者以副盞授亞  
 獻官亞獻官執盞獻盞以盞授執事者奠于王后神座前奉禮郎贊  
 俛伏興小退再拜引降復位奉禮郎引終獻官行禮如亞獻儀引降復  
 位判通禮啓請四拜殿下四拜通贊曰四拜在位者皆四拜判通禮  
 跪啓禮畢導殿下還齋殿奉禮郎引亞獻官終獻官出通禮門分引  
 宗室以下文武群官以次出大祝宮闈令納主如儀典祀官率其屬徹  
 禮饌祝版瘞於坎○其攝事儀曰前期有司設獻官位於東階東南西  
 向執事者位於其後稍南重行西向北上監察位於殿庭之南近東西  
 向書吏陪其後謁者贊者位於東階西南西向北上典祀官殿司官各  
 帥其屬入奠祝版於靈座之右設香爐香合并燭於靈座前次設祭  
 器實饌具設尊於戶外之左時至獻官以下皆就殿門外謁者贊者先



就殿庭拜位北向西上四拜訖就位謁者引監察及典祀官諸執事入

就拜位重行北向西上立定贊者曰四拜監察以下皆四拜訖各就位大

祝開匱捧出 虞主 練祭後辨大王神主 設於座覆以白紵巾宮闈令開匱捧出

王后神主設於座覆以青紵巾謁者引獻官入就位西向立贊者曰

四拜獻官四拜謁者引獻官升自東階詣尊所西向立執尊者酌酒執

事者二人以盞受酒謁者引獻官入詣 靈座前北向立贊跪執事者

一人奉香合執事者一人奉香爐謁者贊三上香執事者奠爐于案 奉

在獻官之右奠爐在獻官之左 奠盞奠盞惟此執事者以盞授獻官獻官執盞獻盞以盞授執

事者奠于 靈座前 又執事者以副盞授獻官獻官執盞獻盞以盞授

執事者奠于 王后神座前 謁者贊俛伏興小退跪大祝進 靈座之

右東向跪讀祝文訖謁者贊俛伏興再拜引出戶降自東階復位小頃

謁者引獻官升自東階詣尊所西向立執尊者酌酒執事者二人以盞

受酒謁者引獻官入詣 靈座前北向立贊跪執事者以盞授獻官獻

官執盞獻盞以盞授執事者奠于 靈座前 又執事者以副盞授獻官

獻官執盞獻盞以盞授執事者奠于 王后神座前 贊俛伏興小退再拜引

降復位小頃謁者引獻官行終獻禮如亞獻儀引降復位贊者曰四拜獻官



世宗實錄卷第十七  
三十一  
四拜謁者引出謁者引監察及典祀官諸執事俱伏拜位贊者曰四拜  
監察以下皆四拜謁者以次引出大祝宮闈令納主如儀謁者贊者就  
拜位四拜而出典祀官帥其屬撤禮饌祝版瘞於坎○甲申 上親傳  
宗廟及諸處朔祭香祝

世宗莊憲大王實錄卷第十七



世宗莊憲大王實錄卷第十八

冬十月乙酉朔 上詣 廣孝殿率群臣行朔祭○禮曹啓凡出入宮門着紗帽及有角頭巾者外三軍甲士隊長隊副及闕內有差備公私男女皆給信符宮人本家人口各一人給信符各司吏典權知直長諸員量其所屬衙門事務繁簡定其多小亦給信符闕內諸司吏典使令依元數給符入直大小人負鋪蓋賫持奴子各一名給符守門人並皆按省乃許出入外方進膳及持文書來者以事告于承政院者守門人告承政院而後許令出入九闕內各司吏典使令及有差備受信符者各止其所如有無故橫行兵曹糾察信符體制用木二寸一面書所屬衙門一面烙印曰信符令兵曹造作各品詣闕時根隨人數一依元典前銜二品以上及有官守前銜四品以上根隨者皆給信符其應內召微賤者亦以信符違者兵曹考察科罪兵曹預藏閑符若干當其內宴及朝廷使臣迎接趨事各司人量宜給之事過即收從之○丙戌大霧四日○視事○以申浩年老贖杖一百配蔚山奪金龍奇職牒惟李蕘以拂拭梓宮之時覺察改奉安得免導梓宮官攝判通禮門事金淇拜梓宮官護軍趙理皆杖一百奪職牒○禮曹啓東西活人院及京中汗



蒸所僧人不問病證並令汗之徃徃致人於死今置汗蒸所門外一處  
京中一處令典醫監惠民局濟生院醫員每一處二人差定診其病候  
可汗者汗之其不詳察以致傷人則醫員僧人並皆論罪從之仍命東  
西活人院及京中汗蒸所仍舊○前護軍金仁伏誅初內瞻寺奴斤萬  
詐稱王親及元從功臣仁與之相應詐為 太宗設齋橫行州郡多所  
乞索以濟其欲且詐傳內旨于觀察使捕得皆伏誅○元良哈二百餘  
人寇慶源府僉節制使田時貴率眾擊走之斬一級○禮曹啓 太宗  
聖德神功文武光孝大王隆功盛德前古罕有乞於 獻陵立碑以示  
萬世從之後謂近侍曰人君功德備載於史不必立碑且古無陵側立  
碑之法然 健元陵已立碑今亦立之可也○下旨今年未穀不稔將  
來可慮祭享供上使臣支應外中外用酒一皆禁斷○有民升通者病  
卧其姪卜來與僧志玄同謀燒殺之命皆處斬○禮曹啓四時及臘親  
享廣孝殿儀曰前期通禮門設 殿下版位於東階東南西向設亞獻  
官終獻官位於 殿下版位之後近南西向北上執事者位於其後異  
位重行俱西向北上設執禮位於東階西南西向謁者贊者贊引在南  
少退俱西向北上若內庭窄狹則設贊者位於外庭東階西南西向設



宗室以下文武群官位於外庭文東武西中心為頭異位重行俱北向

宗室於道西在前行設監察位二於東西班後北向書吏各陪其後典

祀官殿司各帥其屬入奠祝版於靈座之右有陳幣篚二於尊所設

香爐香合并燭於靈座前次設祭器實饌具設尊於戶外之左玄酒

在西皆加勺羶北向西上設洗於東階東南北向盥洗在東爵洗罍在

洗東加勺篚在洗西南肆實以巾若爵洗之篚則亞終獻洗又於東南

北向盥洗在東爵洗在西若王世子亞獻罍在洗東加勺篚在洗西南

肆實以巾則若爵洗之篚設諸執事盥洗於亞終獻洗東南北向時至典

祀官殿司各帥其屬入實饌具畢諸享官及陪祭群官皆就殿門外判

通禮導殿下乘輿以出權就齋殿執禮帥謂者贊者贊引先就殿庭

拜位重行北向西上四拜各就位贊引引典祀官大祝齋郎入就殿庭

拜位立定執禮曰四拜凡執禮有辭贊者皆傳唱典祀官以下皆四拜

贊引引諸執事詣盥洗位盥悅訖各就位通禮門分引宗室以下文武

群官入就位謁者引亞獻官若王世子亞獻終獻官入就位大祝開匱

捧出虞主練祭後攝設於座覆以白紵巾宮闈令開匱捧出王后

神主設於座覆以青紵巾虞主執事者洗瓚拭瓚洗爵拭爵置於篚奉



詣尊所置於坵上禮曹判書進當齋殿前跪啓請行禮啓訖俛伏與判通禮

導殿下出詣版位西向立判通禮啓請四拜殿下四拜執禮曰四拜在位者皆四

拜先拜者不拜判通禮導殿下詣盥洗位北向立內侍跪取匭興沃水又內侍跪

取盤承水殿下盥手內侍跪取巾於籬以進殿下悅手訖內侍受巾奠於籬

判通禮導殿下升自東階近侍內侍從升詣尊所西向立執尊者舉罍酌爵

鬯近侍以瓚受酒判通禮導殿下入詣靈座前北向立啓請跪近侍一人奉

香合跪進近侍一人奉香爐跪進判通禮啓請三上香近侍奠爐于案近侍以瓚

跪進判通禮啓請執瓚灌地訖以瓚授近侍近侍受以授大祝近侍一人以

幣籬跪進判通禮啓請執幣獻幣以幣授近侍奠于靈座前九進香進贊

幣以幣授近侍奠于王后神座前判通禮啓請俛伏與小退再拜導

殿下出戶降自東階復位小頃判通禮導殿下升自東階詣尊所

西向立執尊者舉罍酌酒近侍二人以爵受酒判通禮導殿下入詣

靈座前北向立啓請跪近侍一人以爵跪進判通禮啓請執爵獻爵以

爵授近侍奠于靈座前又近侍一人以副爵跪進判通禮啓請執爵

獻爵以爵授近侍奠于王后神座前判通禮啓請俛伏與小退北向

西向奠爐受瓚奠幣皆在

西東向進爵奠酌惟此

又近侍一人以幣籬跪進判通禮啓請執幣獻

幣皆在東



跪大祝進 靈座之右東向跪讀祝文訖判通禮啓讀俛伏興再拜導  
殿下降復位謁者引亞獻官詣盥洗位北向立盥洗訖謁者引亞獻官  
升自東階詣尊所西向立執尊者舉罍酌酒執事者二人以爵受酒謁  
者引亞獻官入詣靈座前北向立贊跪執事者一人以爵授亞獻官亞  
獻官執爵獻爵以爵授執事者奠于 靈座前又執事者一人以副爵  
授亞獻官亞獻官執爵獻爵以爵授執事者奠于 王后神座前謁者  
贊俛伏興小退再拜引出戶降復位謁者引終獻官行禮如亞獻儀引  
降復位判通禮啓請四拜 殿下四拜執禮曰四拜在位者皆四拜訖  
禮曹判書跪啓禮畢啓訖俛伏興判通禮導 殿下還齋殿謁者引亞  
獻官終獻官出通禮門分引宗室以下文武群官以次出贊引引典祀  
官以下諸執事俱復拜位立定執禮曰四拜典祀官以下皆四拜贊引  
以次引出大祝宮闈令納主如儀執禮帥謁者贊者贊引就拜位四拜  
而出典祀官殿司各帥其屬徹禮饌祝幣瘞於坎 殿下乘輿還宮其  
攝事儀曰前期執禮設獻官位於東階西南南向執事者位於其後稍  
南重行西向北上設執禮位於東階西南南向謁者贊者贊引在南小  
退俱西向北上設監察位於殿庭之南近東西向書吏陪其後典祀官



殿司各帥其屬入奠祝板於靈座之右有陳幣篚於尊所設香燭香

合并燭於靈座前次設祭器實饌具設尊於戶外之左玄酒皆加勺

冪北向西上設洗於東階東南北向盥洗在東爵洗在西疊在洗東加勺篚在洗西

南肆實以巾若爵洗之篚則又實以贊爵設諸執事盥洗於獻官洗東南北向時至

典祀官殿司各率其屬入實饌具畢獻官以下皆就殿門外執禮帥

詣者贊者贊引先就殿庭拜位北向西上四拜各就位贊引引監察及

典祀官大祝齋郎入就殿庭拜位立定執禮曰四拜九執禮有辭贊者皆傳唱監察

以下四拜訖贊引引監察就位贊引引諸執事詣盥洗位盥悅訖各就

位大祝開匱奉出虞主練祭後稱大王神主設於座覆以白紵巾宮闈令開匱

奉出王后神主設於座覆以青紵巾虞主在西執事者洗瓚拭瓚洗爵拭爵

置於篚奉詣尊所置於站上謂者引獻官入就位西向立執禮曰四拜

獻官四拜謂者進獻官之左白有司謹具請行事退復位執禮曰行奠

幣禮謂者引獻官詣盥洗位北向立盥洗訖引獻官升自東階詣尊所

西向立執尊者舉冪酌鬱鬯執事者以瓚受酒謂者引獻官入詣靈

座前北向立贊跪執事者一人奉香合執事者一人奉香爐謂者贊三

上香執事者奠爐于案執事者以瓚授獻官獻官執瓚灌地訖以瓚授



執事者大祝以幣篚授獻官獻官執幣獻幣以幣授大祝奠于靈座

前凡奉者授贊授幣皆在獻官之左授爵奠爵准此大祝又以幣篚授獻官獻

官執幣獻幣以幣授大祝奠于王后神座前謁者贊俛伏興小退再

拜引獻官出戶降自東階復位小頃執禮曰行初獻禮謁者引獻官升

自東階詣尊所西向立執尊者舉罍酌酒執事者二人以爵受酒謁者

引獻官入詣靈座前北向立贊跪執事者一人以爵授獻官獻官執

爵獻爵以爵授執事者奠于靈座前又執事者一人以副爵授獻官

獻官執爵獻爵以爵授執事者奠于王后神座前謁者贊俛伏興小

退北向跪大祝進靈座之右東向跪讀祝文訖謁者贊俛伏興再拜

引降復位小頃執禮曰行亞獻禮謁者引獻官升自東階詣尊所西向

立執尊者舉罍酌酒執事者二人以爵授酒謁者引獻官入詣靈座

前北向立贊跪執事者以爵授獻官獻官執爵獻爵以爵授執事者奠

于靈座前又執事者一人以副爵授獻官獻官執爵獻爵以爵授執事

者奠于王后神座前謁者贊俛伏興小退再拜引降復位執禮曰行

終獻禮謁者引獻官行終獻禮如亞獻儀引降復位執禮曰四拜獻官

四拜謁者進獻官之左白禮畢謁者引獻官出贊引引監察及典祀官



諸執事俱復拜位立定執禮曰四拜監察以下皆四拜贊引以次引出  
大祝官闈令納主如儀執禮帥謁者贊者贊引就拜位四拜而出典祀  
官殿司各帥其屬徹禮饌祝版瘞於坎○丁亥 上移御景福宮○左  
議政李原啓曰江原平安二道饑饉尤甚或有餓死者不可不慮 上  
嘆曰賑濟敬差官皆曰今雖飢不至死亡今何若是乎是欺我也當遣  
正直之人盡心巡察賑濟如有不能救恤以致餓死者痛懲以法若飢  
饉甚則移壯者以就食移粟以給老稚乃遣議政府舍人權孟孫于江  
原道漢城小尹李叔時于平安道○己丑忠清道都觀察使李種善啓  
永春丹陽風雨之災倍於他郡損至八九分乞今年租稅一石以下者  
全免從之○庚寅親傳 宗廟原廟諸陵香祝○禮曹啓拜 獻陵攝  
事儀曰率哭後無哭大祝進靈文前一日陵司率其屬掃除 陵室設饌  
幔於 陵所近地隨地之宜執事者設獻官位於 陵室東南西向執  
事者位於獻官之後稍南西向北上謁者位於執事之南西向監察位  
於獻官西南北向其日未行事前陵司率其屬掃除 陵室執事者入  
奠祝板於 靈座之左設香爐香合并燭於 靈座前次設祭器實饌  
具設尊於戶外之左時至謁者先就拜位北向四拜訖引監察及諸執



事入就拜位重行北向西上立定謁者曰四拜監察以下皆四拜訖各就位謁者引獻官入就位西向立謁者曰四拜哭獻官四拜哭引獻官升自東階詣尊所西向立執尊者酌酒執事者二人以盞受酒謁者引獻官入詣靈座前北向立贊跪執事者一人奉香合執事者一人奉香爐謁者贊三上香執事者奠爐于案奉者在獻官之右奠爐在獻官之左受盞奠盞在此執事者以盞授獻官獻官執盞獻盞以盞授執事者奠于靈座前又執事者以副盞授獻官獻官執盞獻盞以盞授執事者奠于者贊俛伏與小退北向跪祝進靈座之左西向跪讀祝文訖謁者贊俛伏與再拜哭引出戶降復位小頃謁者引獻官升自東階詣尊所西向立執尊者酌酒執事者二人以盞受酒謁者引獻官入詣靈座前北向立贊跪執事者以盞授獻官獻官執盞獻盞以盞授執事者奠于靈座前又執事者以副盞授獻官獻官執盞獻盞以盞授執事者奠于靈座前又執事者以副盞授獻官獻官執盞獻盞以盞授執事者奠于王后神座前謁者贊俛伏與小退再拜哭引出戶降復位小頃謁者引獻官行終獻禮如亞獻儀引降復位謁者曰四拜哭獻官四拜哭引獻官出謁者引監察及諸執事俱復拜位謁者曰四拜監察以下皆四拜



訖以次出謁者就拜位四拜而出執事者徹禮饌祝板瘞於坎○辛卯  
上率百官行冬享大祭於廣孝殿○前此朔奠之晨益平君石根義  
平君元生順平君群生脫裘服騎馬過百官序立之所司憲府上疏曰  
臣等前日具石根元生群生等悖慢驕縱之罪以聞而未聞俞允惶恐  
隕越竊惟石根等之於 太宗最親而優被恩憐無異於子非他群臣  
比也以義以恩尤宜哀慕號痛循禮終制乃擅去裘經其悖慢至此忠  
孝安在防牌把截之內百僚序立之地即為朝廷跨馬過行其驕縱如  
此朝廷之禮安在石根等負此二罪其亂常壞禮莫此為甚而明有常  
刑未可平恕臣等竊恐此而不懲法之不行自此始矣乞將石根元生  
群生之罪依律施行不勝幸甚 上以宗親且無知釋不問○遣司譯  
院注簿高奇忠解送逃軍三十五名于遼東○壬辰召三議政六曹叅  
判以上議禦兀良哈之策皆曰此小寇也其道兵足以當之不必遠遣  
禁軍上曰戰之勝負係一人勇恟乃以上護軍金孝誠為咸吉道助戰  
僉節制使擇內禁衛內侍衛家在咸吉道而壯勇者二十三人率赴慶  
源 上引見賜馬一匹衣一襲弓箭各一部下逮軍士皆賜藥餌命曰  
汝率其道兵馬二百而去以待事變若賊遠遁不來則汝可還京留率



領軍官傳掌於本道休養以待來春赴防○命邊將皆食酒○遣司直馬邊者往東良北諭元良哈等曰汝等自古誠心歸順故國家待之極厚今背德辜恩再犯邊境何也如有邊將不遵撫恤之義待之薄者汝等隨即申聞自有處置何至犯邊乎如其不悛將命將臣討宜審思之○禮曹啓成均館生負學堂生徒因無休暇未能覲親瀚濯乞依舊制每月初八日二十三日給暇從之○癸巳視事○以知瑞興郡事閔壽山不躬親賑濟罷其職贖杖八十○戶曹啓江原黃海平安等道飢民流移他道者勿得禁止但推其所去處及人口數以憑後日還本其所至各官亦考其來處某處某村人幾口到某村某人之家置籍安接開具移來移去人數啓聞從之○禮曹啓國喪三年之內大小人負皆服縞素新婚之家宜用吉服乞依文獻通考朱文公之說借吉三日從之○命兵曹曰在朝官吏物故而歸葬其鄉者令所經州郡館驛給車牛送至其家○宜川郡民林成富見本官婢元莊受辱於郡吏笑曰恃勢者亦見侵辱耶元莊聞而疾之乃誣飾其言訴于官曰成富當太上殿下昇遐之時言曰根本已搖汝之跋扈從此衰矣知郡事李震以爲情涉不忠嚴刑取辭以聞上命司憲府覆勿之憲府以獄事已成不以



成富元莊對置鞫之成富又誣服獄成以聞上曰獄辭有差且不與告者對置無乃不得其情乎下義禁府鞫之果得其情乃元莊羅織之辭也事已決正元莊在獄悔曰成富既免死無恨矣人皆服上之明斷釋成富令護送其家杖元莊百囚大司憲成揜掌令申丁理持平辛繼參宋儲及判內瞻事朴安臣等于義禁府又命執江原道敬差官權孟孫知宜川郡事李震移來安臣爲執義孟孫爲掌令時與聞也○司憲府啓仁壽府少尹李遇霖副丞洪敘疇闕進殯殿供上物膳律該杖一百命減三等毋奪告身○甲午視事○命政府六曹擬議時令臺諫隨叅從憲府之請也○咸吉道都節制使請置木柵於要路高郎岐伊等處選強勇千戶率軍百名守護農人從之○命獻陵朝夕奠獻爵除三獻依平時例一獻○乙未黃霧○命內資內瞻寺勿織綾羅其工匠屬于尚衣院○命盧閑曰無咎無疾無悔之女許以不仕于朝者婚嫁○丙申視事○遣禮官賜祭于錦川府院君朴訔曰愛君憂國夷險之節不渝崇德報功存亡之禮何間惟卿性資明敏器宇宏深藝早捷於文場名已優於仕版才長經濟明習乎憲章道達時宜緣飾以儒雅風儀落落乎維合言論堂堂而可師用之州牧則吏畏而民懷置諸



臺閣則綱振而氣肅城關西之茂績幾踰申伯之誠歸減蕪令之仁心  
無愧蘇公之慎罰司刑而寃獄自理攬轡而甘棠屢歌非根本之植中  
確乎不拔何英秀之發外煥乎有文是以乃心於我家終以佐命於  
聖考冊書著其盟誓白日照其忠誠宜其位冠於廟堂俾之任專於銓  
部粵予不穀續此克艱湯文之治功雖判渙而難繼伊召之事業猶庶  
幾乎仰成正有望於與國咸休庸詎知夫逢天不憖惟卿捐世之日實  
予致憂之辰事俄成於鞠凶腸已摧其違恤追惟徃行惕然興哀既節  
惠以易名受飾終以薄奠於戲良臣弼亮殊勲隆鼎鉉之光人主哀榮  
異渥合衆局之賁以居廬未舉至是賜祭○命廣孝殿朔望祭除百官  
陪祭○遣大護軍盧龜祥迎慰日本國王使臣于慶尚道○禮曹啓朔  
望享 文昭殿攝事儀曰前享三日行事執事官並散齋二日致齋一  
日諸衛之屬守衛殿門者俱清齋一宿前享一日殿司率其屬掃除殿  
之內外前一日有司設獻官位於東階東南西向執事者位於其後稍  
南重行西向北上設監察位於殿庭之南近東西向書吏陪其後謂者  
贊者贊引位於東階西南俱西向北上享日未行事前殿司開室整拂  
神幄如常儀典祀官殿司各帥其屬入奠祝版於 神位之右有設香



爐香合并燭於神位前次設祭器實饌具設尊於戶外之左設福酒  
盞於尊所行禮享日行事前三刻殿司開室整拂神幄典祀官殿司

各帥其屬入實饌具畢前二刻獻官以下各服其服皆就殿門外前一  
刻待獻官以下諸執事盥洗訖謁者贊者贊引先就殿庭拜位北向西

上四拜訖各就位贊引引監察及典祀官諸執事入就殿庭拜位重行  
北向西上立定贊者曰四拜鞠躬拜興拜興拜興拜興平身監察以下

鞠躬四拜興平身各就位謁者引獻官入就位西向立贊者曰四拜鞠  
躬拜興拜興拜興拜興平身獻官鞠躬四拜興平身贊者曰行初獻禮

謁者引獻官升自東階升階上詣尊所西向立執尊者酌酒執事者  
一人以盞受酒謁者引獻官入詣太祖神位前戶外有揖北向立贊

跪搢笏獻官跪搢笏執事者一人奉香合執事者一人奉香爐謁者贊  
三上香獻官三上香執事者奠爐于案奉者在獻官之右奠爐在執事

者以盞授獻官獻官執盞獻盞以盞授執事者奠于神位前謁者贊  
執笏俛伏興獻官執笏俛伏興謁者引獻官出就尊所西向立執尊者

酌酒執事者一人以盞受酒謁者引獻官入詣王后神位前北向立  
贊跪搢笏執事者一人奉香合執事者一人奉香爐謁者贊三上香獻



官三上香執事者奠爐于案執事者以盞授獻官獻官執盞獻盞以盞授執事者奠于神位前謂者贊執笏俛伏興小退當中北向跪獻官執笏俛伏興小退當中北向跪大祝進太祖神位之右東向跪讀祝文訖謂者贊俛伏興拜興平身獻官俛伏興拜興拜興平身引獻官出戶降自東階復位小頃贊者曰行亞獻禮謂者引獻官升自東階詣尊所西向立執尊者酌酒執事者以盞受酒謂者引獻官入詣太祖神位前北向立贊跪搯笏獻官跪搯笏執事者以盞授獻官獻官執盞獻盞以盞授執事者奠于神位前謂者贊執笏俛復興獻官執笏俛伏興謂者引獻官出就尊所西向立執尊者酌酒執事者一人以盞受酒謂者引獻官入詣王后神位前北向立贊跪搯笏獻官跪搯笏執事者以盞授獻官獻官執盞獻盞以盞授執事者奠于神位前謂者贊執笏俛伏興小退當中北向立獻官執笏俛伏興小退當中北向立謂者贊鞠躬拜興拜興平身獻官鞠躬拜興拜興平身降復位小頃贊者曰行終獻禮謂者引獻官行禮如亞獻儀引降復位執事者設飲福位於前楹外近東西向大祝詣尊所以盞酌福酒謂者引獻官詣飲福位西向立謂者贊跪搯笏獻官跪搯笏大祝北向跪以盞授獻官獻官



執盞飲訖大祝進受虛盞復於尊所謂者贊執笏伏與獻官執笏俛  
 伏與引降復位贊者曰鞠躬拜與拜與平身在位者鞠躬拜與拜與平  
 身贊者曰四拜鞠躬拜與拜與拜與平身獻官鞠躬拜與拜與拜  
 與拜與平身謁者引獻官出贊引引監察及諸執事就拜位立定贊者  
 曰四拜鞠躬拜與拜與拜與平身監察以下鞠躬拜與拜與拜與  
 拜與平身贊引以次引出謁者贊者贊引就拜位四拜而出典祀官  
 殿司各帥其屬撤禮饌闔戶以降乃退祝版瘞於坎○丁酉以領議政  
 府事柳廷顯前判漢城府事黃喜摠制田興為京市署提調時商賈皆  
 不用楮貨皆以米布買賣物價踴貴楮貨甚賤廷顯等坐京市署令曰  
 不用楮貨敢以他物買賣者從重科斷潛使人察市肆用他物者輒捕  
 之懸于署門以示之然民多犯之從廷顯之請也○戊戌禮曹判書金  
 汝知啓曰伏承 王旨除群臣陪侍 廣孝殿朔望祭臣竊念群臣之  
 未除衰服者為陪侍喪祭也今若不得陪侍則是群下服衰無日也且  
 殿下夜半而出臣下安寢於家安有是理乞收還成命 許之○禮  
 曹啓擅弓曰夏后氏尚黑大事用昏殷人尚白大事用日中周人尚赤  
 大事用日出儀禮經傳通解續曰宗人請祭期朝明行事註云朝明朝



日質明文獻通考晨裸云行事用丑時十刻朱文公釋奠儀云行事仲春用丑時七刻仲秋用丑時一刻則古人祭必有期不以時日之吉凶爲進退也乞自今拜 陵祭外常行大小祭期依古制用丑時 從之

○己亥 上率百官詣 廣孝殿行望祭○傳旨于全羅道觀察使曰京畿忠清道海道察訪所管軍官軍人除水路回泊並皆陸路上送軍官內老病不能行步者給馬并給軍人粥飯○命二三歲以下飢饉童子依五歲以上例賑之○庚子視事 上以楮貨民不興用欲用銅錢與布幣使金益精鄭招往議三議政柳廷顯請堅行楮貨不用者嚴刑李原請行銅錢鄭擢請用布幣○刑曹啓事于大辟罪囚委一守令推鞠定罪誠爲未便今後各道監司擇剛明守令爲差使負與所在各官同推定罪 從之○壬寅視事禮曹判書金汝知啓李原鄭擢柳觀卞李良等以爲今當國喪不宜取士臣與許稠以爲科舉雖是吉事無害於義不可廢也 上曰吾意亦如此即下傳旨于禮曹曰文武科試取依前例講經則今當年歉遠方生徒久留京師姑從續六典除講經取以製述○癸卯遣副司直朴安遇賜咸吉道兵馬都節制使李春生慶源僉節制使田時貴宣醞各十瓶衣各一襲以賞禦敵之功後乃知無



功受賞罷之○甲辰視事○禮曹啓咸吉道和州 太祖外祖永興伯  
崔氏墓外曾祖永興伯崔氏墓外曾祖妣朝鮮國大夫人金氏墓外高  
祖永興伯崔氏墓外高祖妣朝鮮國大夫人張氏墓咸興府外祖妣朝  
鮮國大夫人李氏墓 太宗外祖安川府院君韓氏墓外祖妣三韓國  
大夫人申氏墓奉祀之禮謹稽古制杜氏通典云皇帝爲外祖父母服  
小功五月無奉祀之文請令其子孫主之 從之○乙巳刑曹啓花之  
梁萬戶朴長壽於卒哭前食肉歌舞且毆人折齒命奪職牒杖一百○  
丙午視事○禮曹啓廣孝殿朔望祭諸執事前期一日齋宿于公大享  
諸執事前期三日齋宿于公陪祭群臣齋宿于家 從之○戶曹啓永  
樂四年三月日議政府受判銅錢一貫准五升布一匹然其時楮貨十  
張計折之物今則三四陪輕重失中自今收贖及計贓銅錢一貫准楮  
貨三十張 從之○刑曹啓慈恩掖南二宗屬勸學實奴婢他宗所無  
而獨於是宗仍置未便請皆屬公 從之○讓寧大君禔聞川寧人朴  
得中家有良犬使人潛取而來○丁未視事○禮曹啓今賀正拜表時  
百官依庚子年例著朝服樂部陳而不作 從之○戈申義禁府鞠成  
揜等揜等供招曰臣等非故八人罪乃緣元莊誣告成富不被拷訊而



自服故不及詳覈誤入其罪耳 上曰聽獄之法固當虚心清問聽死  
罪則求可生之道聽重罪則求可輕之端究情科罪尚有所失况今憲  
府以言累于上有欲殺之心不察情偽以威逼之使無罪之人入於極  
刑若信此斷罪豈不濫殺無辜乃命宋儲辛繼參申丁理朴安臣權孟孫  
等除徒年各贖杖七十拵以原從功臣只罷其職李震杖七十徒一年  
半○已酉教曰正至生辰進奉禮物雖是常典能今當荒歲因備禮物  
弊及於民其除之○上聞僧月菴曾受 太祖真藏於黃海道江陰縣  
雙鳳寺遣宦官趙珠奉采藏諸尚衣院月菴乃 太祖潛邸時所護僧  
也○庚戌野人三十餘人潛入閭延之境焚禾穀而去○給飢民十四  
人衣○辛亥 上命自今有邊報入直都鎮撫與諳練邊事將帥一二  
同議啓聞以爲恒式○野人又入江界之境焚禾穀而去○還給尹晉  
老職牒○壬子以柳寬爲議政府贊成事黃喜議政府參贊卞季良藝  
文館大提學由商吏曹參判元肅司憲府大司憲沈寶漢城府尹皇甫  
仁李叔時司憲掌令趙克寬南智司憲持平加置集賢殿官五員又以  
義生爲元尹義生 恭靖大王宮人所生也○野人三十餘人入義州  
之境殺掠人民焚其禾穀○傳旨于承政院曰凡大小人負罪狀啓聞



時律文內八議于連人及功臣子孫區別以啓○癸丑以郭山郡民飢死杖其知郡事辛鴻生一百○上命鑄字所改鑄字樣印書命下季良跋之曰鑄字之設可印群書以傳永世誠爲無窮之利矣然其始鑄字樣有未盡善者印書者病其功未易就永樂庚子冬十有一月我 殿下發於宸衷命工曹叅判李箴新鑄字樣極爲精緻命知申事金益精左代言鄭招監掌其事七閱月而功訖印者便之而一日所印多至二十餘紙矣恭惟我 光孝大王作之於前我 主上殿下述之於後而條理之密有又加焉者由是而無書不印無人不學文教之興當日進而世道之隆當益盛矣視彼漢唐人主規規於財利兵革以爲國家之先務者不啻霄壤矣實我朝鮮萬世無疆之福也○城長興府及沃溝縣都城之役民力困矣全羅道監司河演又築二城重困民力使南民不得刈獲人以此薄之○十一月甲寅朔 上患虛損疾者累月政府六曹請進肉膳至再三不允疾證漸深方藥無效柳廷顯李原鄭擢等與六曹堂上臺諫請曰平人頓除萬事以行喪制三年之內尚未免遘疾况 殿下以至尊進素膳御萬幾欲終三年之制則病深而難療古人云無以死傷生且有肉汁助味之說今世子幼冲而 殿下固守常經



以至病深不能視事則非 宗社生靈之福也 太宗遺教亦曰主上  
非肉不能進饌 吾百歲之後權宜終制此乃先知 殿下守經過哀而  
將至於傷生何不上慰 祖宗之靈俯從臣民之望 上曰我本無病  
非老非幼安敢慮後日之病而食肉乎堅執不聽廷顯等咸進內庭期  
於得請 上不獲已曰諸卿請之不已今日姑當開素群臣欲視肉膳  
上曰人主固不可以欺匹夫况大臣乎乃進肉膳下旨曰今歲歉民飢  
毋令諸道進肉膳且 文昭廣孝殿外各殿望前望後進上亦姑停之  
○丙辰賀正使中軍都摠制權軫副使左軍同知摠制李皎如京師賜  
衣冠笠靴藥餌遣之○遣工曹參議李揚進種馬五十匹○教曰年饑  
諸道其勿進別饌○還給李之柔姜自明金師磾金臺賢林蒼柳春揚  
崔岷等職牒○禮曹判書金汝知請諸道進上依舊供進不允○丁巳  
視事正言鄭甲孫面諍曰漢城府乃古之京兆府也分辭曲直彈壓暴  
強必用剛明正直之人然後乃能稱職今府尹沈寶曾犯貪污其身不  
正焉能正人請奪其職以授正直之人 上以寶之妻系連宗室又功  
臣之子不允命賢速就職初寶爲功臣都監使詐稱他人假貸取都監  
米布以給其妾故諫院言之○義禁府啓洪川縣監李益朴當國喪奸



原州妓露凝香律該杖九十從之○己未益平府院君石根卒石根太祖第三子益安大君芳毅之子也體貌矮小性癡直無藝能但好酒時號福人子七仁義禮智信綱常輟朝三日聘米豆八十石紙二百卷燭五丁謚安良好和不爭安溫良好樂良○上謂義平君元生順平君群生曰仁德殿本官田地依恤養田例別收租稅以備男女婚嫁時資粧○庚申押解官高竒忠回自遼東言帝以九月初八日還都以征阿魯台及兀良哈等虜克捷班師詔誥天下又言遼東都司以刷還逃軍甚喜其詔曰天地之大覆載而無外帝王之治一視以同仁朕恭膺天命主宰華夷夙夜勤勞勉圖治理無非使天下生靈咸得所而已往者醜虜阿魯台窮居漠北鼠穴偷生屢爲瓦剌困迫妻子不保遂率其部落來歸朕念其遑遑無依特加優恤授以封爵令其仍居本土安生樂業永享大平豈意此虜心懷謫詐僭妄驕矜違天逆命負德辜恩殺戮信使侵犯邊境恣肆慘酷毒痛生靈朕以保受天下軍民躬率六師往討之以七月四日師抵闊率海之北其醜虜阿魯台聞風震懾棄其車輛牛羊馬匹逃命遠遁窮追累日獲其謀者云醜虜阿魯台自知負德辜恩驚悸失措致病疴羸爲天地鬼神所殛餘孽潰散朕乃移兵勦捕



其惡黨兀良哈之魁東行至屈裂兒河遇寇迎敵朕親率前鋒摧敗之直抵其巢穴殺首賊數十人斬馘其餘黨無筭獲其部落人口焚其兵器盡收其馬牛羊綏撫降附振旅班師於戲聲罪致討用申九伐之威殄寇安民永樂萬年之治詔誥中外咸使聞知○傳旨曰天氣沍寒諸司所囚輕係悉皆放免且大辟外罪囚亦酌輕重保放鞠之○又以天氣甚寒許各道觀察使節制使處置使飲酒○壬戌視事○還卓社家產免妻子爲孀社出於胥徒無足筭也故原之○江原道觀察使柳思訥以病辭○李原啓曰兵曹使令甚多而摠制根隨纔二人上大護軍根隨纔一人大爲不均請除兵曹使令以充摠制上大護軍根隨上曰兵曹使令依戊戌年已前例施行○工曹啓旌義縣人前副正崔興兩等一百三十八人告縣城內無泉且大山臨壓矢石所及請移於晉舍里議政府諸曹請遣人審視然後更議○癸亥視事○傳旨于工曹曰山場柴草勿令私占載在續典無識之徒不顧禁令專利害民所在官吏知而不禁今後如前作弊人及不能檢察官吏等並以王旨不從論罪從右代言趙瑞老之言也瑞老與趙未生爭山場不勝據法申明以快爭心法雖公而實出於私也○禮曹啓諸道觀察使每月進上時



其物目移文于本曹本曹不知多寡精麤而回牒未便今後各殿掌膳者以所進物件書其數目隨給帖字若有腐朽及不堪供進者曹考其帖字論劾移文 從之○始給各浦萬戶千戶印○兵曹請革護軍房令其護軍仕本衛其所屬攝隊長隊副自己婢妾產補充軍依兵曹所屬補充軍例分屬各領防牌隊長隊副革其牌頭亦分屬各領依甲士例各其領護軍領之當防牌肄習時與兵曹鎮撫所訓練觀一同監習從之○令諸司官吏親進供上之物○議政府六曹會議時復令臺諫勿與○甲子 上還御昌德宮○命今後義禁府官吏選用依前受點後入抄以爲恒式○乙丑司諫院上疏復請罷沈寶職不允○命慶源府田地限今年勿收租各年還上待豐年收納○丙寅視事○命道路流移飢饉人民令所在守令及驛丞盡心賑救毋使飢凍其遺失小兒親監護養隨即啓聞○命中外官吏交付解由時虧欠物色以剩物充計徵其餘○日本九州都元帥元義俊以本國皇太后之命遣入獻土物仍請大截經○丁卯御便殿選進獻馬○政府六曹功臣臺諫請曰前日下旨令諸道 文昭廣孝殿外各殿進膳悉皆罷之蓋爲弊及於民也然一月之內一二度進膳何損於民且今朝廷使臣將至諸道



觀察使仍進膳而得知使臣支持之事一幸也又受命在外之臣未能親詣問安因進膳而得聞上體康寧二幸也伏望令外方各道依舊進膳上曰卿等之意已知之矣外方各道因啓事而來者亦有之豈待進膳而後聞國家之事乎又啓曰殿下薄於自奉而厚於人民殿下之慮至矣盡矣臣等不敢更請但有新物則供進何害於民上曰民之艱食莫若今年何必待遠方之物而後自奉庖厨雖乏可買於市肆而食矣不允○大司憲元肅等上疏曰切惟父子以恩君臣以義讓寧大君視之於父王母后不孝莫甚焉歲在己亥二月讓寧狂妄乘夜逃隱兩上未知其生死流涕憐憫分遣宦官報尋乃得太宗命臣肅及兵曹判書趙末生叅判李明德叅議尹淮知中事金益精同入內庭召視切責使臣等聞之若曰讓寧行同禽獸教之不俊遂至於此然謀反之罪則絕無故置諸近地欲使保全而乃復有今日之事甚可羞愧當初建儲之日但以嫡長命視豈有一毫私意於其間哉讓寧既處東宮所行不善不孝父母所不忍言自今以後以讓寧付之政府六曹予不與焉如有犯法政府便拿來吾不管一從國家處置予於讓寧有父子之情故有所不忍者至於君臣則異於是臣之於君干犯名義



卽有賜死之文讓寧雖至愚夫豈不知若其有罪則亦不得已焉爾顧讓寧曰自汝之逃出予未知生死常流涕主上侍側亦流涕假使汝身平安而諸弟有故則汝肯如主上之情愛乎切責之辭大略如此而不忍加罪其後 殿下凡其所欲曲意從之極方在殯曾不哀毀乃欲營治產業上不啓於 殿下下不告於縣官擅取里人輸石治家過饋燒酒以傷人命利川縣守朴翱推其里人固其職也反懷憤怨歸罪朴翱上書請罪辭不遜順至有若不從請小臣與 殿下之間自此疏矣之語不忠之心積於中而顯於言辭者如此干名犯義孰大於此伏望持下攸司鞫問情由不勝幸甚不允○吏曹啓外方教官職在作成人材所係匪輕考察之法未立故教諭不勤殿最無據誠爲未便其考察條件議定以聞請令監司憑考殿最一教授教導受職之後不卽赴任雖赴任出謝之後多般托故規免者論罪一各官守令各於赴學生徒名下開寫赴學年月所讀經書及受業教官姓名每季月呈報監司監司置簿以憑後考一觀察使巡行之際依成均館例抽柱考講成人則通曉義理童蒙則只取成誦錄名置簿及殿最之日憑考施行殿最啓本教官名下書某某經書通曉生徒幾人某某經書成誦生徒幾人觀察使有故則